

# SHALOMU



Sebelezo, mukopano waka wa silimo sesinca wa kala cwale. Wo ki mukopano waka wapili mwa simu kuzwa kala pili mwa silimo. Oh, Ni bile ni masihu nyana kwa lapa, mi se niya kwani kwa Fort Huachuca. Kana kona mo mu ibulelela cwalo? Hani boni mo ipeletelwa Huachuca inze ina ni taku ya H. [Hakuna manzwi fa tepu—Mu.]

<sup>2</sup> Halu ezi, haluna kuba ni mubonelo wa kutalimela mwa siiponi sa kwa mulaho. Siiponi se si supeza kwa mulaho sitalimela fela kwa mulaho ni kubona fone uinzi. Lu talimela kwapata kubona ko luya, mwabona. Ze li kwa mulaho, Paulusi naize, “Ka kulibala lika zakwa kale, Ni ikataza kuya kwa sikwenda sa pizo yepahami yeli ku Kreste.” Mi seo kona se lubata kueza. Mutu, lwa kona kutalimela kwa mulaho lilimo ze lishumi ka zeketalizoho, lishumi ni zesilezi kwa mulaho, ha Ni taha kwa Phoenix nako yapili, kubile lika zeñata ze ne ezahala kuzwa fani, zende ni ze maswe, zeo kaufela liya kwa Katulo, mwa mazoho a Mulimu. Kono se Ni talimela kwa pili cwale kikuli Ni kaeza sikamañi mwa silimo sesitaha se, kwa kubisa bunde Mubuso, kueza zeñata, kaufela ze Ni kona kwa Mubuso wa Mulimu.

<sup>3</sup> Cwale, musihali wo Ni bata kubulelela fa Liñusa la silimo sesinca se kwa Keleke yeli ku Kreste, mi kipeto kamuso busihu luka kalisa kulapelela bakuli. Mi lukafa makadi a litapelo mwahala . . . Ni sepa kuli sebelezo ikalisa ka sebene, sebene seti, kihande mube mo ka sikisi kamba ka sikisi fifitini, ili, kuli mu to amuhela makadi a litapelo, kuli musike mwa lyanganisa ze ezahala mwa sebelezo yetatama.

<sup>4</sup> Lu bata kuitumela kwa—kwa bazamaisi kwanu, ba kwa Ramada, ka kulu lumeleza kuba ni muyaho wo mwa mukopano ocwana, fapila mukopano wo. Mulena aba fuyole.

<sup>5</sup> Mi cwale haiba mubata kuapula mwa Mañolo, ko luka bala, Ni ka bala kuzwa mwa Isaya, kauhanyo ya 60, mi ni—ni timana ya 2, 1 ni 2 litimana zeo. Ni Lisamu 62:1-8. Lisamu 62:1-8, pili.

*Luli moya waka utalimezi ku Mulimu fela: kupiliswa kwa ka kuzwa ku yena.*

*Licwe laka ni ya ni pilisa ki yena fela; mi ki sisabelo sa ka; Hanina ku zikinyeha hahulu.*

*Mukanga nako yekuma kai inze mu fumbela mutu? kuli mu mu bulaye kaufela mina: inge limota le li shendami, ni lukwakwa lo lu nyanganya.*

*Ba lelisana ku mu tulula, mwa sisa sa hae se situna: ba tabela mashano: ka mulomo ba fuyola, kono mwa pili ba kuta. Selah.*

*Wena moya waka, u sepe Mulimu fela; kakuli ki yena fela yanifa kusepa.*

*Yena ki yena licwe laka ni kupiliswa kwaka: ki sisabelo sa ka; Hanina ku zikinyeha.*

*Ku Mulimu ki ko kuinzi kupiliswa kwaka ni kanya yaka: licwe la mata a ka, . . . ni sisabelo saka, ki Mulimu.*

*Mu sepe ku yena ka linako kaufela; mina macaba, mu sululele fapila hae lipilu za mina: Mulimu ki sisabelo sa luna. Selah.*

6 Na lata mwa bulelela Davida seo, “licwe.” Mu lemuhe, linako zeñata luli, “Mulimu ki yena licwe laka.” Mwa ziba seo licwe li yemela, mwa Bibebe? *Licwe ki* “sinulo.”

7 Sina Pitrosi hana bulezi kuli, “Ki Wena Kreste, yena Mwana Mulimu yapila.”

8 Ki hali, “U fuyozwi wena, Simoni, mwana Jonasi. Mi fahalimwa licwe le, sona sinulo se. . .” Mulimu na li patuluzi ku yena. “Nama ni mali ha li si ka ku patululela se, kono Ki Ndate ya mwa Lihalimu. Fa licwe le, ona sinulo se, Ni ka yaha Keleke ya Ka.”

9 Mi Davida fa wa huwa uli, “Mulimu ki yena licwe laka, ki sinulo saka!”

10 Cwale mwa kauhanyo ya 60 ya Isaya, timana ya 1 ni ya 2.

*Zuha, u benye; kakuli liseli la hao litile, mi kanya ya MULENA i ku pazulezi.*

*Kakuli, bona, . . . lififi lika kwahela lifasi, mi lififi lelituna li kwahela macaba: kono MULENA uka ku pazulela, mi kanya yahae ika bonahala ku wena.*

11 Ha lu lapeleni. Mulena Jesu, hanze lu kengeyela fa Manzwi aa, lu kena cwale mwa kukalisa sebelezo ye, kwa kanya ya Hao. Lu fuyole, Ndate, lwa kupa ka Libizo la Jesu. Amen.

12 Cwale, tuto yaka musihali wo ki linzwi lililiñwi: *Shalomu*. Mwa Siheberu, litalusa “koko.” Koko, kamba ki litumeliso, kikuli “koko ibe ni wena,” kamba, “mutamboke,” “ki kakusasana,” mufuta kaufela wa—wa litumeliso. Kono linzwi leli swanela hande la Siheberu le Ni fumani fa, kuna ni lika zeñata ze li talusa, kono kaufela zona li ama nto yeswana, “koko.”

13 Halunze lu talimela silimo sesinca, lu talimela zepeli cwalo, sina Hani balile, za lififi ni Liseli. Cwale lu bona kuli Davida, wa bulela fa, kuli, “Musepe ku Mulena. Mubeye sepo ya mina ku Yena.” Isaya ubulezi kuli, “Lififi lelituna li ka kwahela sicaba; kono haili kwa Keleke ilukela benya, mwa kanya ya Liseli.”

14 Kacalo lu talima silimo inge fela mo lu talimanelanga ni lilimo zeñwi; kuna ni—ni kuinyaza bakeñisa lifoso za luna kwa mulaho, ni kotalimela kwapata kwa Liseli le li kanya la Kreste. Hakuna kukakanya, haiba lupila kufita kwa silimo se, luka

fumana mafosisa amañata e luezize, mi lu libelele fela ona cwalo kakuli liyanga ku zetata ni ze bunolo. Wo kona mulao wa tikanyo kuya ka mo lupilela mwa bupilo bo. Kono lutabile hahulu kuli luna ni Muyemeli Ya inzi kwa lizoho la bulyo la Mulimu, inza lu kupela kwateni. Haiba luitakaleza ku itumelela bufosi bwa luna ha lu fosa, konakuli Wa lu swalela zona. Utezi sishemo ni makeke, kuli alu swalele lifoso za luna.

<sup>15</sup> Ona lififi lelituna le, le Ni bata kubulela ka lona, kuli kuna ni lelituna hahulu mwa lifasi kacenu, mi liya liekeza kwa bunsu ni bunsu ka nako kaufela. Mwaha ni mwaha, lu fumana cwalo, kuli li—li lifasi liba le linsu ni kufita, kubulela ka moya, kakuli basweli ku bubutela mwa lififi. Kuna ni sibi sesiñata hahulu. Ka kufita fela ku zelubile ku zona, pulao ya Mueteleli wa naha, ni zeñwi cwalo, mi sicaba inge si bulaiwa mwa naha ona cwalo mwa naha ya luna ye. Koo, mane lusa nahana kuli ze cwalo zakona kuezahala mwa nako ya zwelopili ya kacenu cwana, kono luli luna ni zona, kakuli lififi lelituna li kwahezi sicaba. Cwale, ba basike ba sikuluhela kwa Liseli, kona kuli kuna ni fela nto iliñwi ye Ni kona kubulela ya mwaha otaha wo, muka obamela mwa lififi le lelituna ni kufita sapili mwaha haunzo ya kwapata cwalo.

<sup>16</sup> Kono kubaba ka sikuluhela, mwa silimo se sinca se, kwa Liseli, kona kuli mukaba mwa liseli lelituna ni lelituna, kuisa kwa Lizazi leli petehile lani leo lulibelezi, kubonahala kwa Hae, ko lififi kaufela lika feliswa—feliswa kaufela. Mi libaka la sani, ki kuli Ni bulela, kwa Keleke ya Mulimu ya pila, kacenu, “Shalomu,” kakuli lu Maseli a Hae. Jesu naize, “Ki mina Liseli la lifasi.”

<sup>17</sup> Cwale, mupolofita naize, “Lififi lelituna li kwahezi sicaba; fa halimwa sicaba sa lifasi, lififi lelituna.”

<sup>18</sup> Kana mu lemuhile, mwa lilimo nyana zefitile, babañwi ba mina baana ni basali litaka za ka, kuli mane mwaha ni mwaha, ku bonahala kuli lififi litaha ka butuna ni butuna? Ne ni sweli kubulela ka zazi leliñwi, mi se Ni bulelela musala ka nali, “Wa ziba, ku bonahala kuli, lilimo mo lisweli ku zamaela, mi ni mo ku bonahalela fela kuli sicaba sisweli kuya kwahule hule kuzwa kwa sika sa niti se ba lukela kusutelela kusona.”

<sup>19</sup> Ni lemuhile, mwahala batu. Kutalima mwa mikwakwa, mi sihulu mwahala basali, kubona litakazo za bona ni ze ba tabela kueza, mi bana ni—bana ni mikwa yesweli ku cinca ka nako kaufela. Baana basweli kuba hahulu inge basali, mi basali se ba ba inge baana, mi ku bonahala kuli hakuna mukwa wa ku lituhelisa. Na silanga mwahala naha, inge ni kutaza kulwanisa lika zeo, mi ha ni yo kuta mwaha otatama iba mukwa o maswe hahulu kufita mo ne uinezi ha Ni kala. Kikuli, batu bani ba tabelanga kueza zende, kono, bona, kuna ni sesiñwi ka sona se si ba hanisa kueza lika zende. Sa ba sinelekeza fafasi, ku ba

hapeleza. Ki—ki nto ye bukiti, ki mbundu yensu ye kwahezi lifasi kaufela. Ha ki mwa Phoenix fela, kono ki mwa lifasi kaufela, kubonahala fela kuli kuna ni lififi lelitunale leo basweli kukena kulona batu, liba mwa butuna ni butuna, ka nako kaufela, lisweli fela ku mizeleza buuna sakata, busali sakata. Ni bulela mwa nama.

<sup>20</sup> Mi, bona, kubonahala inge kuli...se likena hahulu hulu mwa likeleke. Mi cwale ha mu yema ni kubulela sika ka ku li lwanisa, kipeto ba ka mi nyaza ka kueza cwalo. Mwabona, mwa—mwa kona li bona halunze li taha, mi—mi cwale hamu bulela ka ku nyaza, kuna ni yaka li utwisesa musili. Linako zeñwi basali haba li utwisisangi, baana ha ba li utwisisangi, banga mutalimelo o fosahalile.

<sup>21</sup> Mutu fokuñwi, mutu yomunde, una ni kuitwaeza lika ze cwalo ili kuli abuluke liswanelo za hae mwa litulo za bulapeli kulo kwa fumaneha, kakuli, haiba habi ya cwalo, uka lelekwa mwa keleke, mi kipeto wa—wa icemela fela anosi. Mi ha sa lelekilwe kuzwa mwa sicaba sesiñwi, konakuli kuba tata kuli alumelane ni mutu usili, kakuli ne ba ziba kuli sapili no fumanehanga kwa sikwata sesiñwi se, kanti, “Ki sikamañi sene siezahalile *kwanu*?” Fohe kipeto muna ni kuyema fa buikolwisiso bwa mina, kamba muikele munosi fela, kamba mulatule buikolwisiso bwa mina. Kacwalo sa tatafalela sicaba.

<sup>22</sup> Mi kubonahala inge kuli nako ki ye, hamukoni kubona sani ha si yema hande luli, sina mutu mwa lukela kubela. Na... Nihaiba kuli kutisa kwa mulaho, kwa buino bwa moya, cwale kuya ku za nama, Na... Ne si bonahala kuna kuli muuna ya tina makatulo a mubala wa pinki, ni lika zeñwi ze cwalo, ku bonahala fela inge kuli se ba bile fela inge basali. Mi basali baba zuba kwai, cwale sebana ni mishanga, mi bona cwale... mi ba kuta milili ya bona inge baana; mi ku bonahala inge kuli—kuli kalibe, yomunde, za busali luli se li icongile. Mi ni buuna sakata luli buicongile; kaufela za nahana fela ki bumaswe, kwa neku leliñwi.

<sup>23</sup> Ni sepa kuli seli fela inge mone kuinezi kwa simuluho, “muhupulo ufi kaufela mwa pilu ya mutu seli fela bumaswe ka kuzwelapili.” Li—li tukiso za luna, mazimumwangala ni—ni silimba, halisa sefa zefita mwateni. Mutu wakona kubulela sika kaufela, mane, kaufela za bata kueza, nihaiba kukonka ni kubulela lika za lishano, litaba za lisheha ze—ze sa lukeli kuba cwalo, ne li sa zibwi, ha li lukeli kubulelwa mwa sibaka sa manwelo a bucwala. Kono bakona ku libulela fa mazimumwangala ni fa silimba, ni ku li lumela mwa mandu a batu. Ku bonahala kuli lififi lelituna lani li kwahezi lika kaufela. Lifasi kaufela li bonahala kutampakana.

<sup>24</sup> Cwale, mwahala lilimo, Ni likile kubeya mutomo, Linzwi la Mulimu. Mi Ni ka iseza kwateni hahulu ngana mwa silimo se si

taha se ka kuswala mayemo ao kufina mo Ni bezi kale kaufela mwa bupilo bwa ka, mwabona, ni yeme hande ka swanelo ni Linzwi lani. Cwale, Ni sepa kuli mañi ni mañi yalika kunahana mwa munahano wa hae kuli Ni lika kueza ka butali, konakuli, muzwale, kezeli, fo mwa fosa luli. Ni eza sani kakuli Nina ni musebezi ku Seo. Na, Ni temehile kupila ni Linzwi lani. Kaufela se Li bulela, musike mwabeya toloko isili, mu I bulele fela ka yona nzila yeo. Cwale kuna ni babañwi babakona ku Li toloka ni ku Li eza kuba le li shutana nyana, kono Na hanikoni kueza cwalo. Mushobo fela o Ni ziba ki wani fela oñozwi mwahali Mo, ona cwalo fela Ye ki yona nzila yateni.

<sup>25</sup> Cwale, ze likani nyana, mwendi lilimo zetalu kwa malaho, ikaba cwale, kuli, kwa lapa, kwa keleke ya lapa la ka, Moya o Kenile no ambozi kuna, wali, “Zamaya kwa Tucson, kuna ni se si libelela.” Ne ni yemi fa katala fa ni kubulelela mañi ni mañi wa mina kuli, “KISONA SA BULELA MULENA, kuna ni se libelezi kuezahala.” Mi ni sepa kuna ni mianda anda ya batu babaliteni mo baba ziba cwalo. Ni mi bulelezi sene Ni boni. Liñusa liteni fa tepu, *Ki Nako Mañi, Sha?* Ne ni boni sikwata sa Mangeloi, inge—inge piramidi, ana shetumukile kwa neku la mutulo wa Tucson; mwahalimu neku *le*, kwa mutulo wa Tucson. Mi A bulela nina nto yeñwi, mi ne Ni sa zibi kuli neli sikamañi. Mi zazi leliñwi kwani. . . Kuna ni muuna yainzi ona mwahali mo cwale, bababeli ba bona, yanali teni ni na, kwa mulaho kwani zani hane li ezahalile.

<sup>26</sup> Mi se ba kopa siswaniso sa Sona mwa mbyumbyulu. Ne si zwile mwa—mwa maganizi. Ne ni nahana kuli Nina ni silisiñwi. Ni nani. Ki se. Mwa si bona mwa mutende waba *Life* magazine, pampili ye, ona cwalo fela Moya o Kenile mo no bulelezi kuli kona mo ku kabela.

<sup>27</sup> Mi ne kuyema Mangeloi a sebene inge mo mu ni bonela ha ni yemi fa, mi ani bulelela kuli ni kutele kwa lapa laka, kuli, likunutu zeo baongaongi mwahala masika ba palezwi kufumana, likunutu za Bibebe, zona ze ne bulukilwe ki Maswayo Asupa, ne li ka patululwa. Na swabisa mañi ni mañi, kunga *Maswayo Asupa* ani ni kotalima ku ona sinca, ni kufumana mulatu ku ona. Mwabona? Mwabona? Kakuli afilwe ka susumezo ya Mulimu.

<sup>28</sup> Kwa mulaho nyana wa fani, Ne ni kotalize fa *Masika a Likeleke Zesupa*, mi ni ku li swanisa fa limati mwa tabernakele.

<sup>29</sup> Tuto yaka, Ha ni kutazi Tuto kwanu, hakuna ze cwalo kwanda lituto fela za butokwa za evangeli; kakuli Ni na ni mizwale, baba tiile baba shutana babali ni na, mi ha Ni tisangi Zani fapila sicaba kwanu. Ni lika fela kuinelela fa mayemo a Mañolo, zona lika ze lu lumela fela. Kono, kwa tabernakele yaka, ba Li tepiñanga. Haiba mwa Li bata, mwakona kuba ni Lona.

Haiba nji mulisana wa mina ha lati kuli mube ni Lona, musike mwa Li nga. Mwabona, zeo liitingile ku mina.

<sup>30</sup> Kono haili kwani, kukuta ka za *Masika a Likeleke Zesupa* ni kuba ni tumelelo yezwa ku Mulimu; ya ku li swanisa, ka mo ne li kenezi lififi mwa keleke, Nicaea; ni mangeloi a keleke, bona linumwana. Ne ilukela kuba ka swanelo, kakuli, ona hane Ni felize ku swanisa lusika lwa keleke ya mafelelezo, la Sunda kakusasana, ka lebene kiloko, ona Liseli lelituna lani la taha fafasi kukena mwa muyaho, fapila sicaba se si kona kulikana ni babaliteni mo cwana; la taha mi La to lula kwa matuko a limota, fapila sicaba sani kaufela, mi la to swanisa Masika a Likeleke ani ona cwalo fela mo ne Ni a swaniselize fani. Cwale, kuna ni mianda anda ya lipaki kwani zekona kupaka seo. Fela . . .

<sup>31</sup> Kihande, cwale, lu lemuha kuli Mulimu kamita ubonisanga lika mwa lihalimu Asika li bonisa kale mwa lifasi. Inge baana ba babutali bene ba latelezi naleli, ni zeñwi cwalo. Sisupo sa lihalimu sene si ezahalile, pili, mi sa lifasi sa bonahalisa sisupo sa lihalimu. Mulimu wa beleka, ubeleka mwa lisupo, lisupo ni limakazo. Lina ni ku latelela balumeli kai ni kai. Majuda kamita ne ba bata sisupo, kakuli ne bali baketwa ba Mulimu, mi neba bata sisupo. “Lu bonise sisupo, kona luka ku lumela.” Mi, he, baana ba babutali ba taha ni likande la bona, Balauli, ba kupepwa kwa Kreste, ona kwa silimo sesinca fela.

<sup>32</sup> Cwale lufumana kuli kweli, mwa Bibebe, iyemela keleke. I bonisa liseli mwa lifasi, hakusina lizazi. Sinulo, kauhanyo ya 12, luli ya tatulula kuli, “musali ni kweli mwatasa mautu a hae, lizazi fa toho ya hae.” Mi mane kuli hakusina lizazi, haiba lizazi liinzi kwa neku leliñwi, kweli imonyehela lizazi fa lifasi. Keleke i lukela kumonyeha Jesu Kreste fa lifasi, hakusina Mwana Mulimu. Luna kaufela lwa lumela cwalo. Ki nto yenca, sina zeñata hali shutana kwateni.

<sup>33</sup> Kono kubulela fa, ka 1933, ka za popu yana ngile sibaka sa hae mwa, kamba kuzwa, nitaluse, mwa Rome, ni ku yo pota kwa—kwa mafasi a kenile. Uka taha kwanu hape. Mi nto yenca, kikuli, masihu nyana asika zwa kale mwa Rome, ka nako yapili hane lili mwa litaba za kale, kweli ne i shetumukile ni kubola kuezwa lififi. Ona seo, neli sikamañi sani? Ku apesa ka lififi kukwahela Liseli la Mwana. Ku se, abulela ku mushemi wa ba Orthodox; mi kaufela bona ba lu meelana, “Pope u ezanga litaba ze ka kutwano, kutwano yende ku be bapila ni bona mabapa.” Ze utwahala, kwa zebe ya nama, nto yende hahulu neika ezahala. Kono kwa zebe ya moya, ki lififi. Mane kuli luna likeleke, luba ba Presbyterian, ba Methodist, ba Baptist, ni Mapentekota, neluka ikopanya mwa masila a cwalo ani, ni kuziba kuli Bibebe ya luna ilu luta lika ze shutana! Ki nto ye komokisa kuna, kuli mutu ya tezi Moya wakona kuina mwa libaka ni kubulela kuli, “Ku utwahala kuba mwa moya hauli mwa sibaka se si cwalo.” Ku na, kinto ye maswe.

<sup>34</sup> Cwale, Ni sepa muna ni zona mwa Phoenix mo. Haiba mutu ufi kaufela . . . Ki babakai mwahali mo babakile ba bona fateni fone Ni swanize maswaniso ani a Masika a Likeleke? Munanule mazoho a mina. Na sepa . . . Mwabona mo Mulena na swanize zeo mwa lialimu, busihu bobuñwi? Ona cwalo fela mo li swaniselizwe mwa halimu mwani kwa tabernakele. Ka kupetahala, ona cwalo luli sina Moya o Kenile mone uli tiselize ka susumezo, lilimo zetalu kwa mulaho, kwa tabernakele, kwani za ezahala mwa lialimu. “Mwa milomo ya lipaki zepeli kamba zetalu, taba ifi kaufela ikolwe.” Moya o Kenile pili no zamaile ka susumezo; Ne ni a swanize kwa katala. Mi ki Ha sa tuluka kutaha fafasi Yena kasibili mi A paka buino bwa ona, inge kweli ni Liseli le liya litima, liya litima, mi kwa Lusika lwa Laodesia lona nelukena mwa lififi lelituna hape. Mi ki yo Ataha fafasi ku to lipaka fa kweli, ka yona nako luli foo likeleke kaufela halisweli kukena hamoho mwa swalisano, ya tamahano.

<sup>35</sup> Ki kabakaleo, sina Isaya ha ize kuli, “Lififi lelituna li kwahezi lifasi, fahalimwa sicaba se.”

<sup>36</sup> Na ziba kuli ha ki nto ye zibahala kubulela ka kulwanisa kopano, kono yani ki nombolo ya sibatana. Yani kona nto ye lu lwala ni ku lu kenya mwatani. I bupa siswaniso sa sibatana. Hani buleli seo ka bunyemi. Ni bulela cwalo kakuli ki Niti, mizwale. Lizazi la taha fo Phoenix haika zuha, mi mwendi Ni kabe ni shwile ka nako yeo, kono mu ka ziba kuli neli kuli KISONA SA BULELA MULENA. Ki niti. Mane ni kuli Moya o Kenile omutuna u pakile Mañusa sani ni kubulela lika ze isali kwa makalelo, halisika palelwa kale fateni! Mi cwale ki kabakalañi ha lu bubutela mwa lififi? Ki kabakalañi sicaba ha si sa zuhi nako isika fela kale? Leliñwi la mazazi aa, nako ikabe ifelile kale, ha mu mu mungile kale nombolo, mi kipeto hakusana . . . Hakuna sesiñwi se mukona kueza ka zona he, muka swaseha mwa mulaho wani, kakuli mu tamahani mwa mulao wo.

<sup>37</sup> Ki kabakalañi ha mu sa tahi ku Krete, mutale ka Liseli la Evangeli ya Jesu Krete, Mata a kuzuha kwa Hae akona ku mi lukuluha, ni ku mi eza kuba liseli leli tuka fa lilundu? Hakuna taba kamba ku unsufezi cwani. Muli, “Kihande, kiñi halukona kueza seo? Baba siyezi ba bona . . .” Muteeleze, ona fa ki yona nako ya kueza kuli lituke, ha kuna ni lififi hahulu. Fo kona Liseli fo li benyeza hande hahulu, hakuna Ni lififi. Lu lukela kutuhelela Liseli kubenya ha ku unsufala.

<sup>38</sup> Mupolofita ubulela kuli, “Lififi lelituna lika kwahela sicaba se,” mi yeo kwatani luli ki Niti.

<sup>39</sup> Cwale lu fumana sene si unsufalize liseli la kweli. Mulimu na bonisa, pili, fa limati; kuzwa foo, ka Kubatani kwa Hae Luli; mi haili mwa lialimu Ubonize sisupo. Mi cwale kuzwelela mwa Rome kwa taha popu, kuyo fita kwa Palestine; kuli mane, kwa liito le li sa zibi lika, batu ba huwa ni kuwa ka lipata za bona,

ni ku kubamela mutu. Ha ni mu lwanisi nihanyinyani kakuli Hanikoni kuba mukutazi yaikopanya ku ze cwalo. Kaufela zona ki si moya se si swana.

<sup>40</sup> Ku bonahala kuli lififi lelituna li kwahezi sicaba kufitela si nahana kuli nto fela ye siyezi ya kueza ki kuya fela kwa keleke ni kuba mutu yomunde, kuba ni libizo la hao mwa buka yabona, ni zeñwi nyana za kunutu cwalo, “Mulimu uka bondolola sinotolo ha u shwa, ni ku cinca moya oli kuwena wani, ku ufetulela ku Yena.” Mwa fosa. Ha u shwa, moya wani uka biza, ona cwalo kona mo u ka bela kuyakuile. Mi muhupule, Bafarisi, Basaduki, ni babañwi cwalo, kakuba sicaba sa bulapeli hahulu.

<sup>41</sup> Mulimu ki Mulimu ya lifufa. Una ni lifufa, mi ubata kuli musala Hae abe ya kenile. U bata kuli abe mwalyanjo, ya sina masila. Kutokwe ni se sikana sa lifasi ku yena, ni hanyinyani; za hae ka kutala ibe fela Linzwi la Hae, siemba sa Hae. Lu swanezi kuba siemba sa Linzwi. Isiñi siemba sa tuto ya tumelo; siemba sa Linzwi! Isiñi siemba sa keleke; siemba sa Munyaliwa! Keleke inyazizwe, lu ziba kuli izwezi kwa lififi la kwande, kono Munyaliwa yena uka kambama.

<sup>42</sup> Cwale haiba sicaba ne si ka kona fela kuzuha ka mizuzu yelikani ni kulemuha kuli nto yetuna ki ifi. Ki muikuhumuso o eza lika zeo. Ki sicaba sesi—sesi bata kuzamaya inge babañwi kaufela ba lifasi. Hamukoni kueza cwalo. Ha mu ba lifasi. Kana mu nahana kuli musali yali mwa likwati la lifu wakona kutabela kuziba haiba milili ya hae ikabisizwe, kamba mubata kuibiza cwani kaufela? Kna munahana kuli wakona kuiseza ngana mwa na tinezi haiba u lobezi mwa likwati, kamba muuna yomuñwi ya cwalo? Hakoni kueza zeo.

<sup>43</sup> Mi lani kona libaka, kacenu, kuna ni lika zeñata hahulu zeo lu likanyisanga hahulu ku be lu yahile mabapa ni bona, kamba muika yomuñwi wa Hollywood, kamba bukwala bobuñwi, kamba nto yeñwi ye cwalo, kakuli ha lu sika shwa kale ku Kreste ni Linzwi la Hae. Ki butata mañi bobuli mwa likeleke? Lu mwa lififi, lu bubutela mwa lififi. Ubulezi kuli, “Ku kaba lififi lelituna le li ka kwahela sicaba.” Lififi lelituna li kwahezi sicaba cwale!

<sup>44</sup> Zeo kaufela litalusa sikamañi? Li talusa cwana, kuli foo lifasi. . . Sene si ezize kweli ku unsufala, neli kuli li—li lizazi. . . lifasi ne likeni mwa muluti wa lizazi, lene li monyehela fa lifasi. Lifasi ne likeni mwa muluti. Bwani kona butata bobuli ni keleke. Bwani kona butata bobuli ni ba Presbyterian, Methodist, Mapentekota. Bwani kona butata bobuli ni luna kaufela. Lifasi likwahela Liseli kwande le lu lukela kumonyeha, la pikuluha mwa matuku ni kwena ku Lona, mi, haline li silana cwalo, li kwahela lififi fahalimwa lona.

<sup>45</sup> Mi lifasi litile mwa keleke, ili mwa—ili mwa libizo la kopano, libizo la tuto yeñwi ya tumelo, mi “luba bulapeli ni ze kaufela ni



ze kaufela,” kono niteni inge i latula mata a Kreste kwa kubonisa Linzwi la Hae le li polofitezwi lizazi le. Kukona fela kuba Liseli le litaha ka Linzwi la Mulimu. Lwa ziba cwalo. Mulimu, kwa simuluhu, naize, “Ha kube liseli,” mi kwaba liseli, ponahazo ya Linzwi la Hae la Na bulezi.

<sup>46</sup> Kuunzufala, lififi bwii! Lifasi ne li keni mwa nzila yeswana hamoho ni muluti wa lizazi fa kweli, mi se li unzufala. Sani kona sene se si ezahalile mwa lika za nama, kamba ku za moya. Sina mo ne kuezahalezi ku za nama, za bonahala ka muluti ni ku lu bulelela, ona cwalo kona mo ne li ezahalezi.

<sup>47</sup> Cwale, mwa bona sani mo sitela kwa mafelelezo. Bunata bwa mina batu ba sanana, ha mu lukeli kuba baba supezi hahulu kuli kona mu ka li bona, nihalikuli cwalo, haiba muka pila lilimo zetalu kamba zene ku ze sa taha.

<sup>48</sup> Kweli cwale, lu mwa Lusika lwa Keleke ya Laodesia. Mwa Lusika lwa Keleke ya Laodesia, ona likeleke zeñwi kaufela, ya Laodesia, ki ya mafelelezo, lusika lwa keleke ye enya fela, Kreste nali kwande a keleke. Mubali wa Bibele ufi kaufela wa ziba cwalo. Sinulo 3, Nali kwande a keleke, inza lika kuli Akene mwahali hape, mi hakuna fo ibulezi kuli Ukeni. “Kono kaufela Ba latile, Akalimela ni kushapa.” Liñusa lakona kukalimela ni kushapa bao A lata. Cwale, nasweli kungongota, inza lika kukena mwahali; lififi la kwalela Lika kwande, ona cwalo kona ze ezahalile. Liseli le li sweli kumonyeha, cwanoñu li ka kwaliwa kaufela lona. Lika kena mwateni kubupa siswaniso sa sibatana. Mi lwa ziba se si taluswa foo, yani kona nako ya mafelelezo.

<sup>49</sup> Mulimu, kwa simuluhu, na kauhanyize liseli kwa lififi, mi seo hape kona sa sweli kueza Mulimu. Mulimu wa kauhanyana liseli kwa lififi. “Kwa simuluhu,” Mi ali, “ha kube liseli.” Cwale, muhupule, ha kukoni kuba liseli kwanda Linzwi la Mulimu. Ona lizazi leliinzi fande fani kona Linzwi la Mulimu, le li bonahalile. Nekuna ni lififi lelituna fa lifasi, mbundu ni puka fa lifasi, mi Mulimu ali, “Ha kube liseli.” Cwale haiba liseli ne li sika taha? Kona kuli ne kusine kwa Mu tusa sesiñwi ka kubulelela zeo. Kono cwale ki Hali, “Ha ku be liseli,” mi liseli la taha, kubonisa kuli Linzwi la Hae ne li lukile. Ona liseli le lupila ili lona kacenu.

<sup>50</sup> Mi Liseli fela linosi le luna ni kacenu, mwa keleke, ki Mulimu yanza bonahaza Liseli la Hae mwa lusika lo.

<sup>51</sup> Lusika kaufela ne lu tomezwi za lona, ze ne ezahala mwa mazazi a zona. Kaufela luna lwa ziba cwalo. Bapolofita ne ba tile kuto iponahaza. Bona, Linzwi la Mulena ne litaha kubona, neba Li utwisisa. *Muboni*, mwa Testamente ya Kale, ne litalusa kuli, “yoo ki yana patululelwa Linzwi la.” Ni mwa na zibelanga, kakuli u ziba lika ze sa taha. Linzwi la Mulena ne li taha ku yena yoo, mwa lusika ni lusika.

<sup>52</sup> Jesu na bulelezi Joani, ka za Joani, “Na li yena liseli lelibenya ni ku monyeha, fa nako nyana.” Kiñi? Isaya, lilimo ze mianda ye

lishumi ka yemibeli ni ze twelufu asika pepwa kale, ali, “Kuna ni linzwi la ya huweleza mwa lihalaupa.” Malaki, kauhanyo ya 3, iize, “Amubone, Ni luma numwana wa Ka fapila Ka, ku to Ni lukiseza nzila.” Mwabona, nali yena Linzwi lani lene li bonahalile. Linzwi lene li sepiselizwe lizazi lani, nali yena liseli, kakuli na taleleza ona Linzwi luli la na bulezi Mulimu ka yena.

<sup>53</sup> Mi cwale Jesu hana tile, Joani ali, “Ni lukela kufela cwale; Yena uswanela kubonahala cwale.” Mi Nali yena liseli lani. Mwahala masika kaufela, Mulimu mwa na bulelezi ka za kutaha kwani!

<sup>54</sup> Kana baana baba itutile bani kiñi hane ba palezwi ku Li bona? Kiñi hane ba palezwi? Kana ki kabakalañi Bafarisi bani ni Basaduki hane ba palezwi ku libona? Na bulezi, “Mubale Mañolo, kakuli ku Ona munahana kuli muna ni Bupilo Bobusafeli, mi ki Ona apaka yo Nili yena.” Kana ne ba palezwi cwani ku Li bona, mizwale? Ki kabakala kuli ne ku polofitilwe kuli habana ku li bona.

<sup>55</sup> Mi kona mokuinezi kacenu, lififi lelituna lani la taha fahalimwa sicaba, mi ki luna ba fa! Mulimu utomahanyize Linzwi la Hae kuli li bonahala mwa lizazi le, mi ki lona Liseli fela le lu nani, mi Mulimu uka lumeleza mutu kuli abonahalise Linzwi lani. Kuna ni ya ka eza cwalo. Na sepisize cwalo, mi U beleka ona cwalo fela sina mwabile Abelekela kamita ka zona.

<sup>56</sup> Ali kuba acince fateni mubelelo wa Hae. Na polofitile sene si ka ezahala, mi ki Ha luma mutu kwateni ku bonahalisa seo. Mi kipeto sa ya ni kufita fahalimwa litho za ma milioni a sicaba, kakuli, lififi likwahezi lifasi ka nako yeo. Mi sicaba si tabelanga hahulu lififi kufita Liseli, kakuli lififi lina ni munyaka o mutuna.

<sup>57</sup> Ne ni boni papali ya Hollywood, ha ki kale hahulu, yakuli, “Bupilo bukalisanga lizazi hase li likezi.” Fani kona fo ku kalela lifu; ona miyaho ya mikiti ya busihu ye kaufela, ni ko ba nahana kuli ba pila. Ba shwa.

<sup>58</sup> Mulimu, kwa simuluho, na kauhanyize liseli kwa lififi. Ubile aeza cwalo kamita. Ki sikamañi Sa ezanga? Wa li hatikela, ka kutaha kwa liseli, U hatikela lififi kuya kwa neku leliñwi la lifasi.

<sup>59</sup> Mi ona seo luli kona se si ka ezahala cwale. Seli bukaufi ni kupazula. Naleli ya kakusasana ipazuzi ku to lumelisa lizazi. Mi Moya o Kenile ubonisa Liseli la Ona. Ku ka taha nako fo Liseli ni lififi halika kauhana, leliñwi kuzwa ku leliñwi. Keleke ni mulao wa yona lika swanisisa kwa mulao wa lizazi la kacenu; mi Krete ni Linzwi la Liseli la Hae la sepiso li ka kena mwa Kuungelwa. Yeo kona fela nto inosi ye siyalezi kuezahala. Ki lizazi, kacenu, ki kusa kwa lizazi lelinca, ku babañata baba libelezi Kutaha kwa Hae.

60 Babañata hahulu, batu baba sepahala kacenu, sani kona se si cisa lipilu za bona, babañata luli, batu babande baba sepahala inge Maria ni Josefa. Neba zwa kwa mukiti, mi ba latehisa Jesu. Batu babañata hahulu baeza lika zeswana zeo kacenu, ka kuakaleza kuli Nainzi ni bona. Cwale, Ni bata kutoma liseli nyana le ku mina, ku mi bonisa Linzwi la Mulimu mo libezi le li ipitezi.

61 Luna kaufela mo, musihali wo, babali Bakreste, lu lumela kuli Jesu Krete nali Linzwi la Mulimu, le li bonahalile. Lu lumela kuli Na pepilwe ki mwalyanjo. Nali yena tabernakele ili mo Mulimu Yamata kaufela na yahile, fa lifasi fa. Isiñi fela mupolofita, isiñi fela mutu wa kwa batu fela, kono Mulimu yena Kasibili na bonahalile mwa sibupeho sa mutu. Nali *Emanuele*, “Mulimu una ni luna.” Lwa lumela cwalo, ka lipilu zaluna kaufela. Mi cwale mulemuhe fani Mareta kamba . . .

62 Maria, nitaluse, ni Josefa, inze ba nahana kuli Jesu nali ni bona, ne basweli fela ku akaleza kuli Nali ni bona, ka kunahana kuli, “Li lukela kuba ze lukile. Una ni kuba ni luna kupale kumane.” Kono ne ba fosize maswe maswe. Nali siyo ni bona.

63 Batu babañata hahulu, batu babande ba cwalo kacenu. Ba nahana kuli, ba bona hola inge itaha, ba ziba kuli kuna ni se si bata kuezahala, ki sikamañi se ba eza cwale? Ba ya kuyo ikopanya mwa likeleke, ka kunahana kuli Nali ni bona. Ba swalana mwa mazoho ni mukutazi, inge ba nahana kuli kona fela zene ba lukela kueza ona zani, “U inzi ni bona.” Kupakiwa kamba ku kolobezwa ka nzila yeñwi, ona zani fela kona zene ba lukela kueza, ka kunahana kuli Jesu nali ni bona. Muzwale, kezeli, mane inge Maria fela, Josefa, wa kale, batu baba sepahala luli, kono neba latehile.

64 Bupilo bwa hao bwa paka haiba Jesu una ni wena kamba nee. Bupilo bwa hao bwa bonisa haiba U mwateni mwahali *mo*, kamba haiba Usali mwa lihalimu la Hae kamba nee, kaufela semuli sona. “Misebezi ye Ni eza muka ieza ni mina.” Kana ukona kuba cwani ni Krete mwahali ku wena, mi kipeto Moya oli ku mina ulatul Linzwi la Hae, muamuhela tuto ya tumelo mwa sibaka seo? Haku koni kuba cwalo. Na ka itwanisa ili Yena ka kulatula Linzwi la Hae Tota.

65 Bakeñisa fela kuli mutu yomuñwi u Li tolokile ka mafosisa? Muna ni Bibebe, mwakona kubala inge mutu yomuñwi kaufela. Mube baba sepahala.

66 Davida naize, “U Mubeye kamita fapila hao.” Muzibe kuli ha lu kopana mwa silimo sesinca se, lu kopana ni sona mwa mata a zuho ya Krete. “Yena kamita u fapila ka. Hani na kuzikinyeha.”

67 Mulemuhe Linzwi mo libeli le li sa pelelwi. Maria ni Josefa. . . Cwale ku mina, balika baka babande ba Katolika, baba bulela kuli Maria neli mahe Mulimu. Maria shangwe mane na si yena mahe Jesu, kamba mane nihaiba kuba mahe Mulimu.

Na kaba cwani cwalo? Luli. Hakuna nihaiba nako iliñwi Fakile a mu biza kuli ima; hakuna nihanyinyani.

68 Neba tile ku Yena nako yeñwi, mi bali, “Bomaho ni banyani ba hao ba libelezi fannde.”

69 A talima fa kopano ya Hae, mi ali, “Boma ki Bo mañi? Mizwale ba Ka ki bo mañi?” Atalima balutiwa ba Hae, mi ali, “Bona ba baeza tato ya Hae Ndate, bao ki bona Bo Ma, Mawi. . .”

70 Fa sifapahano, fani ha Na shwa, Abulela nto yeswana hape. Abulela Joani, Joani kwanu, muuna yo, “Mwana, tokomelo bomaho!” Isiñi, “Ima, mutokomele mwana mina.” “Musali, tokomelo mwana hao!” Isiñi, mwabona, nasi yena mahe Mulimu.

71 Nali fela mba ya ku kalmia yana itusize Mulimu; hakuna shutano ni musali usili kaufela yo Mulimu na ka tabela kuitusisa. Wakona kuitusisa mba ya (hao) mba ya pilu ya hao, kuli a zibahalise Mwana Hae, haiba mu—haiba mukona fela ku Mu lumeleza kueza cwalo. Mwabona? Ha ki mahe Mulimu. Ku lukela kuba ni maikuto, nihaiba kuba ni peu ya Maria. Yena mane na si nihaiba peu yezwa ku Maria.

72 Ne li, taba kaufela, neli Mulimu, yena Mubupi. Haiba Adama wapili kwa mulaho kwani na bupilwe asina ndatahe ni mahe, Adama wa Bubeli neli nto yeswana. Mi sika kaufela se sinyinyani ku sani hasikoni ku Mu beya kuba likana ni Yena. Yeo ki niti. Ki Mulimu ya swana, Na ipupezi mubili Mwa Na ti lo pila.

73 Cwale lufumana kuli, mutalime mo kuinezi, mutalime, haiba nji Maria neli mahe Mulimu, mwa na pahamezi, fani. Naize kuli, “Bondataho ni Na lu katezi ku Ku bata ka mioko.” Ku latula kupepwa kwa bwalyanjo kwani, “Bondataho, bo Josefa, ni Na, lu Ku batile.”

74 Mutalimele Mushimani wa lilimo ze lishumi kazepeli yani, Mwana wa lilimo ze lishumi ka zepeli za kupepwa, uli, “Kana hamu zibi kuli Ni lukela kuba kwa musebezi Wa Ndate, inza kanana ni zona likopano kwani?” Cwale, haina Na li, kwa musebezi wa Josefa, Na kaba kwa sibaka sa kubeta. Josefa na si yena ndata He. Mulimu neli yena Ndate He. “Kana hamu zibi kuli Ni lukela kuba kwa musebezi Wa Ndate?” Fahalimu fani, wa lilimo ze lishumi ka zepeli za kupepwa, ni baprisita ba baitutile bani. Asina nihaiba lizazi lililiñwi mwa sikolo, kono niteni ne ba mbwetukile bakeña butali. Mi mutalimele fa. . .

75 Nali yena Linzwi. Mi ha Na pepilwe, Nali yena Linzwi. Yena usali Linzwi. Mulemuhe, Linzwi halina kuamuhela za kupangapanga. Musali ali, “Bondataho ni Na lukatezi ku Ku bata ka mioko.”

76 Ali, “Kana hamu zibi kuli Ni lukela kuba kwa musebezi Wa Ndate?”

77 Ku kalimela bo Mahe Luli? Kiñi? Nali yena Linzwi. Kwakona kuba puzo mwa munahano wa mutu, haiba Maria fa, ya kile abulela nako yeñwi kuli “Moya o Kenile” no mu apesize ni ku pepa Mwana mushimani, mi kipeto hape fa abize Josefa kuli ki ndatahe ba haesuni. Linzwi ha li palelwi. Halikoni kupalelwa.

78 “Kana hamu zibi kuli Ni lukela kuba kwa musebezi Wa Ndate?” Mi Nali fa musebezi wa Ndatahe; isiñi—isiñi musebezi wa Josefa, wa kupanga likwalo ni—ni kubeta lika. Nali kwa musebezi wa Ndata He, inza otolola hande likañi la za bulapeli zene bana ni mwa lizazi lani. “Kana hamu zibi kuli Ni lukela kuba kwa musebezi Wa Ndate?” Eeni, sha.

79 Batu babañata kacenu, mwahala likeleke zende zee, basweli kukena mwa katengo ka likeleke kani; isiñi “kukena” mwateni, bakeni kale mwateni. Ba nahana kuli ona zani kona lika za kueza fela kipeto, “Bulikani, kashemo shemo, kiñi kaufela luna ha lu sa zamaeleli fela hamoho?” Kiñi, babile ba lika, kaufela, mwahala lilimo, kuli baeze ba Methodist kaufela kuba ba Baptist, ni ba Baptist kaufela kuba ba Presbyterian; Mapentekota ba likile kueza kaufela bona kuba Mapentekota. Hamukoni kueza cwalo, kono katengo kona kalabo ya mina. Yeo kona kalabo, seo Bibe ibulela kuli baka eza, luli kona ona cwalo seo se ba ezize. Likeleke za bulikani ki kuli, eeni, sha, lube hamoho, “Kihande, halubeni ni kutwano!”

80 Bibe ibulezi kuli, “Kana bababeli bakona ku zamaya cwani ba sa lumelelani?”

81 Babañwi ba kubona ba latula kupepwa kwa mwalyanjo. Lipesenti ze eite za likeleke za Baipanguli za latula kupepwa kwa bwalyanjo. Mi ba latula ni kolobezi ya Moya o Kenile. Ba latula lisupo za Kutaha kwa Hae, ili Mata a zuho. Ba latula kuli Wa swana maabani, kacenu, ni kuyakuile. Kana mukona cwani, kanti Mulimu ulibeile ona kulyangan kwa kaufela mwa lifasi kakuli musali zazi leliñwi na kakanyize kalulo nyana ya Linzwi la Hae? Satani na mu bulelezi Niti, konji fela nto iliñwi, kono yani neli yona taba yene tizize butata kaufela. Cwale, haiba nji kukula pilu kwa kaufela ni maswabi e mu lukela kutalima ku ona, kakuli kalulo nyana iliñwi ya Lona ne ikakanyizwe, kikuli mu nahana kuli kalulo nyana iliñwi ya kukakanya yakona ku lukenya mwahali?

82 Lani kona libaka Jesu ha tela Mwalyanjo yasina masila, ya kenile, ya tezi Moya o Kenile, mi isi wa lifasi, kono wa Mata a Mulimu. Oh, ha ki bunde kuziba kuli kwa konahala kukena mwa Sikwata se! Kana mukona cwani? Hamuna kukena ka kuikopanya kwa katengo. Muka kena ha muse mu kolobelizwe ka Moya o Kenile, mukona mwa Mubili wa kunutu wa Jesu Kreste, kuzuha ni Yena mwa zuho, mu lukuluhile kwa lifu ni sibi. Yeo kona fela nzila.

<sup>83</sup> Lififi! Likopano zetuna, ni sikwata sesituna sa batu se si taha hamoho ni ku kopana mihupulo yabona ku Lona, mi sani si mi kenya hape inge mwa kulyangana konekuli kwa simuluho. Hakuna sepo ni yekana mwa taba yeo; mu yumbehile luli. Mi kaufela bona ba bonahala fela kuba baba lyangani ka likeleke za bulikani ze, ka kunahana kuli Mulimu na kaba ni bona. “Kihande, Mileniamu ika kalisa fo katengo hakaka kopana kwahalimu kwani, mi ni mizamao kaufela ya swalisano, ni zeñwi cwalo,” mi kipeto ba ikopanya mwateni. Ki sikamañi se baeza? Ku ezeza sibatana siswaniso, ki puso, kuli bene bali mwatasa likopano, ni zeñwi cwalo, babasike ba ikopanya mwateni, baka kwalelwa kwande. Mutalime fela mi mubone halika ezahala.

<sup>84</sup> Ni liñozi fa, ka lizazi luli. . . Mulena hana ni lumelelize kubona sani ka 1933. Mi fa ki cona ona cwalo fela ka nzila yateni. . . ka nzila ye Ne li bulezi, ki kutaha fela ka nzila yeswana, ka mo popu aka zwela mwa Rome, ni zeñwi cwalo.

<sup>85</sup> Cwale, ki sicaba sesinde, kono si lyangani. Josefa ni Maria neli batu babande, kono ne ba lyanganehile nyana. Kono neli sikamañi sani? Mulimu na itusisize Mushimani wa lilimo ze lishumi ka zepeli za kupepwa kuli Linzwi liine li kenile, ona cwalo fela mo ne Liinezi, sene Li bulezi ka nako yapili, “Na pepilwe ki mwalyanjo,” mi sani kona sa Na li sona.

<sup>86</sup> Inge ba nahaha kuli Nali ni bona hane ba ikopanya kwa likeleke, ni zeñwi cwalo, kono Ne kusi cwalo. Cwale, kono kwa Baketwa. . . Cwale, leo kona lififi, mi Na kona kuina hola mutumb fateni foo.

<sup>87</sup> Kono kwa Baketwa, babande ni baba bizizwe, Bahalalehi ba Mulimu, Ni li ku mina, mwaha otaha wo: Shalomu, kozo ya Mulimu!

<sup>88</sup> Hola ki ye! Kambe Ne ni kaba kwa mulaho kwani mazazi ani lifasi li si ka bupiwa kale, ni kotalima fafasi ni kubona lika kaufela, mi ni Ndate na kali kuna, “Ki lizazi mañi leo utabela kupila ku lona?” Ne ni ka bulela kuli cwale, ona nako ya cwale! Ye kwateni ki hola! Ye kona hola yetuna hahulu yeo Keleke ikile yakena kuyona, ku si kaba kale ni kutaha kwa Munyali. Oh, Keleke ya niti ya Mulimu ya pila ilukela kutuka mulilo, kulyakata, ka Liseli la Evangeli le li bonahalile mwahala bona. “Zuha mi ubenye, kakuli Liseli li ku pazulezi,” ki Liseli la lizazi le. Isaya nali liseli la lizazi lani. Nuwe nali liseli la lizazi la hae. Kiñi? Nana ni Linzwi leli bonahalile. Mi ni Evangeli, Manzwi a Bibebe a lizazi le, kona Liseli la kacenu. Ha ki nako kwa kanya ni yeo mo lupila!

<sup>89</sup> Cwale, “ki kakusasana” kutalusa kozo. Lififi la kubukana. Li kubukanela sikamañi? Ku bonisa Liseli. Isaya 60:1, “Zuha mi ubenye, kakuli liseli la hao litile.” Leo kona libaka ha Ni kona kubulela kuli, “Shalomu,” Liseli litile fahalimwa mina, kozo ya Mulimu ku Musali ya ketilwe, ku Kalibe ya ketilwe; bao

be Mulimu, kusikaba kale mutomo wa lifasi, bene ba bizelizwe kueza cwalo.

<sup>90</sup> Babañwi ba basiyenzi habana ku Li boma. Hakuna se ba ka ziba ka Sona. Biblele ibulezi ona cwalo. Mi Jesu naize, “Hakuna mutu ya taha ku Na konji haiba u bizizwe Ki Ndate, pili; mi kaufela ba Ni file Ndate ba ka taha.” Yani ki . . .

<sup>91</sup> Ne kuyema Judasi fani, Liseli la benya mwahalimu *fa*, kono kwa mulaho mwa pilu ya hae nekuna ni peu ye nsu. Ha ku taha kuswaba, lififi la bonisa.

<sup>92</sup> Ki yo fa musali yomunyinyani, wa kale, kaufela inza kwahezwi, ona *kwanu* kwa katala, kono mwatasi *mo* nali peu ye lelilwe. Mi cwale Liseli ha litaha, La hasanya lififi, mi la iponahaza. “Lu ziba kuli Mesia wa taha, mi, Ha sa tile, Uka lu bonisa lika ze.”

Jesu ali, “Kina Yena.”

<sup>93</sup> Kono sina Judasi mwa na Li kakanyelize, kono inza sa zamaya mwa Liseli. Mwabona, Liseli le li fande *fa* halina butokwa; ki Liseli la mwahali *mo* kona lelili butokwa. Liseli fande *fa* lika zamaya ni kuba ni kutwano, ni lika zeñwi kaufela; kono cwale mata a Mulimu a niti ha tile mwateni, hakoni kutaha kukutela kwa peu ye shwile *ye*, aka bonahalela mwa kopano.

<sup>94</sup> Kono haiba Li kuta kwa mulaho *kwanu*, ku ya niti, peu ye lukisizwe, fo Liseli lani ha li taha fa, li bonisa lififi kaufela kuzwa ku mina, ni ku mibeya mwa kutwano ni Kreste. Nali Yena Ya na mi file Bupilo kusikaba kale mutomo wa lifasi, kusi cwalo nemusike mwa Li bona, sa bulezi Mulimu.

<sup>95</sup> Cwale, ku mina Peu ye lelilwe, Shalomu! Amen. Kozo ya Mulimu ibe ni mina, kakuli se lu atumela kwa maungulo cwale. Lu fakaufi luli ni mafelelezo. Luka ambola fa sikwata seo, fa nako nyana. Shalomu!

<sup>96</sup> Liseli la Mulimu litile. Linzwi, Liseli, li bonahalile hape, ili kuli mukone kubona liponahazo za sepiso ya Mulimu ya lizazi le. “Mubale Mañolo, ku Ona mu hupula kuli muna ni Bupilo Bobusafeli.” A paka za lizazi le lupila ku lona. Liseli la kacenu ki sikamañi? Ki sikamañi se isepisize Biblele mwa lizazi le? Mubone kuli ki hola yecwani!

<sup>97</sup> Ki kabakaleo Jesu na ba omanyize ka ku sa lumela Joani. Na li yena liseli, kakuli mupolofita na bulezi kuli uka taha. Mi ki yani aba teni, ili liseli le li bonahalile. Ne ba si ka li bona. Ne ba si ka li utwisisa; ne ba hupula kuli Mesia, mi *ba* hupula lika lisili fela, ni *zeñwi* cwalo. Ba palelwa ku Li bona.

Jesu a taha. Maseli amabeli akone kumonyeha ka nako yeswana.

<sup>98</sup> Haku koni kuba liseli la keleke ni Liseli la Mulimu ka nako yeswana. Ku lukela kuba Liseli la Mulimu kuli liyime liseli la keleke. Mi ona seo kona se si ezahala kacenu. Mulimu usweli

ku kauhanya mikwa ya keleke kwa Liseli la Hae la Linzwi le li sepisizwe la hola yelupila ku yonaye. Yeo ki Niti, mulikani. Hakulata ha mutabeli kulumela cwalo, kono mulibelele fela mi mu ka fumana haiba kucwalo kamba nee. Musike mwa libelela, kihande mukene mwateñi ona fa ha ku sa na ni nako ya kukena mwateni.

<sup>99</sup> Linzwi ki Liseli ha Li bonahalile. Kufitela Linzwi, le li sepisizwe mwa lizazi lateni, kona ponahazo, kona kuli ha ki Liseli. Halikoni kuba. Haiba Mulimu na bulezi kuli, “Ha kube liseli,” mi kwa tokwa kuba lizazi, hakuna sisupo sa liseli. Kono Mulimu ha bulela kuli, “Ha kube liseli,” mi kwaba liseli. Mulimu hana sepisize Mesia, Mesia a taha, fohe Linzwi la Hae la talelezwa mi Nali yena Liseli la hola. Mi ha Na sepisize Nuwe, mi A sepisa ni babañwi, ni kushetumuka cwalo, kwaba liseli la hola.

<sup>100</sup> Mi kuna ni Liseli la hola kacenu, yani ki Jesu Kreste mwa mata a zuho ya Hae, Linzwi la Hae le li sepiselizwe lizazi le. “Misebezi ye Ni eza, mu ka ieza ni mina; yemituna mane kufita ye muka ieza, kakuli Ni ya ku Ndate.” Misebezi yemituna, lika zetuna kufita za Na ezize yena? Kana mwa lumela cwalo? [Kopano ili, “Amen.”—Mu.] Na lumela cwalo. Ku bonahala kuishuwa. Ku bonahala inge kuli lisweli kufita fa litho za sicaba. Mutalimele ha Nali fa lifasi, mukona cwani kueza misebezi “yemituna” mina? Ni tolokile seo, linako zeñata, “buñata,” kono kinto yeswana. “Yemituna,” Na bulezi mwani ku Muhalalehi Joani 14:12, “misebezi yemituna ki ye muka eza.”

<sup>101</sup> Kana mu lemuñile? Ha Nailo fetula mezi kuba veine, Na ngile mezi, pili; sika se si bupilwe kale, ni kufetula kueza veine. Ha Na fepile batu baba kuma fa faifi sauzande, Na ngile tapi yene tapa mwa mezi, ku iloba, ni ku ba tambeka yona, ni kuekeza pupo yani mwa buñata. Na ngile sinkwa sene sibanga buloto sapili, bone buli sinkwa ni kale, a si komauna ni ku si tambeka. . . mwa mazoho a sicaba, mi sa kuta hape. Kuba pupo yeswana mwa buñata!

<sup>102</sup> Kono mwa mazazi a mafelelezo, ko kusina sisupo sa pupo, Wa li bulela mi zaba teni, niteñi, ili kubonisa Mulimu yaswana yanali kwa simuluhu. Wakona kubupa tumale, Wakona kubupa sika kaufela Sa bata kubupa, kakuli ki Yena Mulimu. “Misebezi yemituna kufita ye ki ye muka eza, kakuli Ni ya Ku Ndate.” Linzwi ha li palelwi, mi Lina ni ku iponahaza ni lina ni ku talelezwa. “Misebezi yemituna kufita ye ki ye muka eza,” isiñi kuekezeha, kono kubulela lika mi za ba teñi.

<sup>103</sup> Mulemuhe Linzwi cwale ha Na sepisize. Kikai, kikai ko luinzi, cwale? Ki lizazi mañi le lupila ku lona? Ki hola mañi? Ya kubonahalisa Linzwi la Mulimu, sina mo kubezi mwa liholo kaufela. Muna ni Liñusa ka za *Masika a Likeleke Zesupa*. Mutalimele hande yeñwi ni yeñwi ya libatana zani mone li zamaezi, ni Libatana zene tatami mwa mulaho wa zona.



Mutalimele hande haiba ne li si ka zamaelela mwani mwahala baongaongi ba pili mwa lusika lwateni, ni mwa lusika ni lusika, ona cwalo fela mone ku lukela kubela, kona ona cwalo fela Linzwi mone li bulelezi. Mi ona cwalo kona ni Moya o Kenile mo bonahalela kuya ka se ibulezi Bibeke kuli kona mo kuka bela.

<sup>104</sup> Lu bona muluti o apesa kwa lihalimu ni mwa lifasi, ni lika zeñwi kaufela, ni tutengo ni lika zeñwi ze sweli kuitukisa kuba teni.

<sup>105</sup> Mi lwa bona, mwahala zona zeo kaufela, Evangeli ye kanya ya Jesu Krete, ze sepiselizwe lizazi le, mi za iponahaza Ili zona. Lu pila mwa nako yende. Shalomu ku mina babana ni Linzwi mwahala lipulu za mina, baba ketilwe haisa mba mutomo wa lifasi, kuli muutwe Linzwi la lizazi le. Haiba hamubi cwalo, ki mwaha omaswe ku mina otaha. Haiba mu cwalo, ki lifasi lelituna lelitaha fapila mina, kamba lizazi lelinde, mwaha omunde otaha cwale, mwaha omunca.

<sup>106</sup> Ha ki kuapula likepe lelinca; batu babañata balika kuapula likepe lelinca mwa mwaha omunca, ba li kwahela ka lizazi lelitatama.

<sup>107</sup> Inge likande lene Ni balile kakusasana zazi leliñwi. Musali na huweleza muuna hae, yana zuhile ka kupakela ni kuzwela fande ku yonga mutende kakusasana, mi nasweli kubala mutende wa kakusasana. Muuna ali . . . Musali ali, “Kana kuna ni zenca mwa mwakande?”

Muuna ali, “Batili, ki lika zeswana, batu fela kona baba shutana.”

<sup>108</sup> Kona mo kuinezi ona cwalo ni kacenu, ki lika zeswana. Luna ni katengo kakanca, ki tuto yakale; ki ku lipotoloha fela, mutu yomuñwi unga siemba sa lona neku *le* ni neku *lani*.

<sup>109</sup> Le ki lizazi lelinca. Haleluya! Le ki lona lizazi lelu lukela kuzuha ni kubenya, mwa Mata a Jesu Krete. Lififi lelituna li kwahezi lifasi; li lukela kuba lizazi lelinca ku luna, eeni, luli, kueza fela ka nzila Ya ezanga ka yona. Kono ku sikuluhela kwa Linzwi la Hae ni kubona sepiso ye sepiselizwe lizazi le, mi muka ziba haiba mupila mwa Liseli la musihali kamba nee. Kucinca kalenda ha ku cinci nako; ku cinca fela kalenda.

<sup>110</sup> Cwale ha muteeleze ka tokomelo. Mueze sina Davida mwa na ezelize, mubeye bukamusu bwa mina mwa lizoho la Hae. “Cwani? Ki sikamañi se Ni lukela kuziba kueza, Muzwale Branham?” Mubeye bukamusu bwa mina mwa lizoho la Hae. Hakuna taba ka zetaha kamba zeya; mu Mu sepe. Ki yena Linzwi, cwale muzibe. Davida naize, “Nako ya hae imwa lizoho la Ka. Musepe ku Yena ka nako kaufela. Kamita mu sepe Yena.” Na ziba ya Na sweli za kwapili, Davida na ziba, ki kabakaleo hana bulezi cwalo. Kuna ni fela Alimuñwi ya sweli za kwapili, yani ki Mulimu. Kacwalo, U sweli za—za kwapili, mutuhele Yena ami swale. Ku lukile.

111 Batu babañwi bali, “Kono, Muzwale Branham, Ni likile mi Ni likile.”

112 Kono mulibelele fa muzuzu nyana. Tibeledo ki mata. Tibeledo ki mata a Moya o Kenile. “Ba ba libelela ku Mulena baka fiwa mata amanca.”

113 Mu li, “Ni kona kulibelela cwani fa nako yetelele?” Muzwelepili fela kulibelela. Hamu ezize kaufela ze lukela kuezahala kuli muyeme, konakuli ha muyeme, mwabona, muyeme fela. “Kana Ni ka kona cwani kueza cwalo?” Amuyeme! Na bulezi kuli ki Niti, mi ki yona Niti. Na bulezi kuli kuka ezahala. “Cwani?” Ha ni zibi; kono lika ezahala. Na bulezi cwalo. Na li sepisize. Haiba Na sepisize cwalo, li ka ezahala. Ku felile. Hani koni kusinya.

114 Kacwalo he muhupule, Mulimu na ngile lilimo limo fa kutaleleza sepiso ya Hae ya Mupulusi yana taha. Lilimo ze likiti zene, Mulimu na ezize seo fa kutaleleza sepiso yani. Kono Na ziba, kuzwa isali kwa simuluho, fo ne li ka ezahalela. Na ziba; hakuna mutu yana ziba. Na bulezi fela kuli lika ezahala. Mi ha ne li ezahalile, sicaba nesili mwa kupumiwa kokutuna luli, kufitela sipalelwa kuziba mwa ku li amuhelela. Haiba nji nto yeswana yani haisika kutela hape! Yabanga cwalo kamita, yali kuba ipalelwe, maneku amabeli kaufela, kamita.

115 Ki sikamañi sa Na ezize ka lilimo zani? Na bonisize mifuta ya kutaha kwa Hae.

116 Na li bonisize ku Josefa. Haiba mutalimela fa bupilo bwa Josefa; na toilwe ki bana bahabo yena, na latiwa ki ndatahe. Kiñi? Kakuli nali wa moya, kakuli na bonanga lipono. Babañwi ba bona ne ba sa bonagi lipono; nebali bapatriareka kono ne ba sa bonangi lipono, kutoloka litolo. Kono ne ba mu shwela muna. Kono a lekiswa ka mali alikana lishekele zebato eza mashumi amalalu za silivera, ahohiwa kuzwa mwa musima mwa na lukela kubulaiwa, ayo ina ku la bulyo la Faro. Mi cwale hana zwa fa lubona, tolombita neilila, “Amu we ka mañwele; Josefa wa taha!”

117 Ona cwalo fela zene ezahalile ku Jesu, ayo ina ku la bulyo la Mulimu. Mi Ha zwa fa Lubona, litolombita lika lila. Mi liñwele kaufela lika kubama, ni kupaka cwalo ku Jesu Kreste, yena Mwana Mulimu. Luli.

118 Na li bonisize mwa mifuta ya Davida, fani inge ali fahalimu a . . . a li mulena ya hanilwe ku Jerusalem, inza lila. “Mo ne Ni latela kuku bukeleza, sina nasikuku kwa tuzwinyani twa yona, kono ha ulati.”

119 Kutaha cwalo mwahala masika, U li bonisize mwa mifuta, ka kuziba kuli zazi leliñwi mufuta wa mafelelezo uka talelezwa, ni ponahazo ya Hae yetezi ya Mesia ya sepisizwe ina ni kuba faa. Mi cwale sepiso ya niti hane itaha, ni Ha na swanisize ku yona . . .

Zazi ni zazi, mwaha ni mwaha, Na swanize ku yona. Mi hane litile ku za niti, neba si ka li lumela.

<sup>120</sup> U ezize nto yeswana, u swanize ku yona, ni ku ibonisa mwa masika a likeleke, ni lika kaufela, kwa hola ye lupila ku yona, mi sicaba si mwa lififi lelituna, kubonahala fela inge kuli habakoni ku li utwisisa. Ki nto ye utwisa butuku luli!

<sup>121</sup> Mane haku shutani ni kubona mutangana kwande kwani, yomunde, yomutuna, mucaha ya nunile luli ni milili ya hae, wa itata inge basali mo ba ezezanga, ni lipelela ze benya utinile, ni musweta omutuna tuna omutelele inzo lepelela fafasi, ni makatulo a mubala wa pepo kwa mahutu. Muuna sakata? Oh, mawi, ha ki nto kwa kusabisa yekona kubizwa muuna yeo! Ha ki nto ni yeo ku ze kona kubizwa muuna! Yeo ki niti.

<sup>122</sup> Mubone basali babañwi, baba lukela kuba baba maswabi swabi ni baba lateha, ba zwele fande ni malukwe a siina batinile, mushanga wa kwai mwa mulomo wa hae, ni milili ye kutilwe. Ki nto ye cwani yeo ku zekona kubizwa musali! Jesu na bizize Maria kuli, “musali.” Na sa lukeli kubizwa cwalo; kuba musali fela.

<sup>123</sup> Mulemuhe, mi hola! Kiñi? Fokuñwi batu baba ipapata ni kubulela kunahana kuli ba sepahala, kono lififi lelituna li ba kenize mwa lika ze. Bibe ibulezi kuli bakaba cwalo. Mubale Isaya 6 mi mubone haiba basali ne ba sa lukeli kueza cwalo mwa mazazi a maungulo, ona cwalo fela kona Bibe se ibulezi kuli baka eza. Ki Linzwi la Mulimu. Jeremia ni babañwi baba shutana ne ba bulezi ka hola yelupila ku yona ye, kakuli neba boni mafelelezo kuzwa kwa makalelo. Kacwalo lu bona lika ze, mi lififi lelituna likwahezi sicaba.

<sup>124</sup> Eeni, ne si tandile Mulimu likitikiti za lilimo, kubeya . . . kubonisa mifuta ni lika kaufela, mi kwa nalulelule ba tokwa ku Mu ziba ha Na tile, ni ha Na bonalile ku Josefa ni Davida ni Elia, mane ni kushetumuka ku zani kaufela. Na bonahalile ni bona, kono niteni halukoni ku utwisisa hane ba si ka Li bona. Mi ki zeo foo, handende mwa Mañolo, “Kuzwa mwa Betelehema wa Judea,” kona mo Aka pepelwa. Lu fumana cwalo mwa Mañolo, mwa Na lukela kupepelwa, ku mwalyanjo. “Mwalyanjo uka itwala mi apepe Mwana, mi ba Mu beye Libizo la Emanuele.”

<sup>125</sup> Kiñi ze ne ba Mu bulaezi? “Kakuli Na ikezize Iliyena Mulimu,” mi Nali yena Mulimu. Luli, ba itumela cwalo. “Na bulezi kuli U ikeza Iliyena kuba Mulimu, ya likana ni Mulimu, ali, ‘Kina Mwana Mulimu.’” Kiñi, Nali yena!

<sup>126</sup> Bibe ibulezi kuil U na ni kubizwa, “Muelezi, Mulena wa Kozo, Mulimu yamata, Ni Ndate wa kamita, Yomunde!” Seo kona sa Nali sona. Ki kabakalañi hane ba si ka li utwisisa?

Ki kabakaleo ha Na ize, “Mu lukela kubala Mañolo.”

Neba ize, “Luna lu balutiwa ba Mushe.”

127 Ali, “Haiba mu balutiwa ba Mushe, nemuka Ni ziba. Mushe na ñozi za Ka.” Mi ne ba si ka liziba.

128 Mi hola iwezi sicaba hape, ha baya kwa lituto za lutumelo za bona ni lika zeñwi, mwa sibaka s kuba Jesu ya lateha. Yeo ki niti. Ona lika zetuna zetaha ze, kanti li ba kenya fela mwa lififi lelituna ni lififi lelituna. Mi Mulimu uli bulezi mwa Linzwi la Hae, ka lisupo ni ze komokisa mwa lihalimu, ni kubonisa ze cwalo, kubulela lika ze ezahala ona cwalo fela kwa hola ni muzuzu wateni, sene si ka ezahala. Mi kanti bazwelapili kukena mwa lika zeswana ka tundamo. Ku bonahala fela inge kuli habakoni ku ikambusa ku zona. Batu babande, eeni, sha, baeza lika zeswana inge mone ba ezelize linako zani.

129 Luna lu libupiwa za nako. Mulimu ki sibupiwa sa Kuyakuile. . . Mulimu ki sibupiwa sa Kuyakuile. Yena hasika kalisa mi Hana kufela. Cwale ki kabakalañi ha mu saipi ku Yena? Muinule litho, mi mu benye ka tabo ya Liseli la Linzwi la Mulimu leli sweli kubenya kacenu. Ki kabakalañi batu ha ba saboni Sani, balikani?

130 Muteezeze, Na ni muzwale wa mina. Na mi lata. Kana hakukoni kuba bunola kuna kuli ni tuhelela fela, kanti, ni kuzwelapili ni kubulela kuli, “Oh, kihande, Ni ka keshebisa ku Se, Ni ka swanis- . . .”? Ha ni sika bupiwa ku sani. Batili, sha. Haiba ki Linzwi, ki Linzwi. Mulimu alu tuse kuli luyemele za niti! Eeni, sha. Kwakona kuba hande, luli, muka amuhela kuomba ombiwa kokuñata fa mukokoto. Kono seo Na, Ni ka eza ka kuyema fani Lizazi lani fani minwana ya masapo yani haika ni supa kwa sifateho ni kubulela kuli, “No ziba kueza lika zende, kono wa palelwa ku bulelela”? Whew! Batili!

131 Nikaba sina Paulusi, “Ha ni si ka mipatela kumi bulelela Mulao kaufela wa Mulimu.” Hakuna mali a mutu kuna. Ha Li ye ko li swanela kuya. Yeo ki Niti. Mulimu wa ziba cwalo, mi Wa li yemela ni ku libulela kuli ki Niti.

132 Kufetuhela kwa sikamañi, ku Muzwale Branham? Mina, nemuka ba bukuba ka kueza nto yecwalo. Mufetuhele ku Kreste, mi ki Yena Linzwi! Mufetuhele ku Kreste!

133 Muinele kwahule ni lituto za litumelo! Mukutele kwa. . . Hanina taba, mwakona kukalisa tuto ya mina ya tumelo, lilimo ze mianda iketalizoho kwa mulaho, ze ne muli fela. . . Sani ha si talusi nihaiba nto iliñwi ku Mulimu. Basaduki bani ni Bafarisi ne ba kalile kale musika kala kale, mi ba nyaziwa.

134 Oh, mulika kubeya sepo ya mina fa Moya o Kenile ka likezo zeshutana. Ni lumela mwa ponahazo ya Moya o Kenile. Ki sikamañi se si ezahala? Mapentekota bali, “Kubulela ka malimi kona bupaki bwa pili bwa Moya o Kenile.” Ni boni baloi ba basali ni ba baana haba bulela ka malimi. Ni ba boni ha ba bulela ka malimi ni kunwela mali mwa katendele ka mutu, mi ba polofita ni kulatula kuli kuna ni sika sakuli Mulimu. Ni bile mwa libaka

za baloi koba beya potoloto fa tafule ni kuieza kuli itula tule, ni kuñola mwa mushobo usili ni ku li toloka. Yeo ki niti. Seo hasina nihaiba sika sa . . . Kanti, Ni lumela kuli Mulimu wa bulelanga ka malimi asili ka batu ba Hae. Kono mubeya hahulu litaba zeñata ku zeo, “Kiñi haku lukela kuba ni mutoloki? Kiñi haku lukela kuba ni liñusa la kwa keleke?”

<sup>135</sup> Konakuli mina sicaba sesiñwi, mu li, “Miselo ya Moya, seo si bonisa kuli lwa ziba. Lilato, tabo, cwalo kona mo lu amuhela bupaki.” Ki yona? Konakuli Sayansi Sikreste imi beile mwahali. Ba ezize zeo hahulu kufita ku mina Mapentekota kaufela, ba Methodist, ni ba Baptist, kubeya hamoho.

<sup>136</sup> Mubone se si ezahala. Ha lu boneni ni mi bonise miselo ya Moya, ni kubona haiba mwakona kuzwelapili hanyinyani. Halu ngeni Jesu. Mulimu ani swalele ka manzwi o Ni ka bulela; Ni ka Mu lwanisa fa muzuzu fela, ku mi bonisa, munge tutengo twa batu to fa, mi katengo ka fa musihali wo. Ni ka bulela kuli . . .

<sup>137</sup> “Shangwe, kuna ni Mutangana mwahali mo, wa Libizo la Jesu wa Nazareta, hanina sa kueza ni Yena! Ki mañi yanali wa pili . . . Kana Bibebe ilu luta sikamañi? Mulimu u lilato. Ki mañi yanali wapili ha mupepwa? Ki muprisita wa mina, yomunde wa kale. Yeo ki niti. Ki mañi yana tile ku mina hane muli mwa kutokwa, hane musina masheleñi, ni ku mi kolotisa masheleñi? Ki muprisita wa mina, wa kale yomunde. Luli. Ki mañi yana beile lizoho la hae fa liheta la mina ni liheta la bo maa mina, hane muli bukaufi ni kukauhana, ni ku mi lapelela kuli mukutele ku Mulimu? Ki muprisita wa mina, wa kale yomunde. Ki mañi yana ngile siemba ni mina, fani mina ni bo muyahile mabapa ni bona hane mu omana, kono a mi kutisana hamoho mwa kutwano? Ki muprisita wa mina, wa kale yomunde. Yeo ki niti. Ki afi, manzwi a mafelelezo aka yo bulelwa ku mina ka lizazi lani kwabuse kwani? Neli mañi yani? Ba mi tuhelela fani mwa shwa ni kubola; kono muprisita wa mina, wa kale yomunde wa taha uto mi fuyola, ni kuluma Linzwi la Mulimu kutaha ku mina. Muprisita wa mina, wa kale yomunde!

<sup>138</sup> “Kucwani he ka Mucaha yo ya bizwa Jesu wa Nazareta, he, mwabona, ki sikolo sifi Kwa zwelezi? Ki muprisita wa mina, wa kale yomunde yana ikatalize, mwa bupilo bwa hae kaufela. Bo kuku wa hae baba baana neli bo muprisita. Bokuku-wa-bokuku-wa-bokuku-wa-bokuku a hae nali muprisita. Na beile nako ya hae kaufela mwa kopano. U lutilwe mwa Linzwi; wa ziba za sweli kubulela.”

<sup>139</sup> Cwale lusweli kubulela ka limpo za Moya: musa, lilato, tabo, kozo, kutwisiso, pilutelele, tibeledo, mwabona, muselo wa Moya.

<sup>140</sup> “Kucwani he ka Jesu yo, yena U zwile kai? Haluna nihaiba linzwi la kuli Akile azwa kwa sikolo sifi kaufela. Kaufela Sa eza ki ku shandaula likolo ze lu yahile.” Hakuna hahulu zeñata sa Moya ku yena, nji cwani?

141 “Ki sikamañi sa Na ezize fahalimu fani kone kuna ni balekisi bani kwani, ni baana ba litekisano bene bana ni ku . . . Bona, ha ba uti lingu, kacwalo bona—bona ba toma fela mulaka nyana fani kipeto mutu watisa lingu. Yena muuna ya shebile wa pisinisi yani, u—u bata kutisa ngu ya sitabelo, kakuli kona za bata Mulimu. U tisa mwatgeni li—li lingu, ku to lekisa ku muuna wa pisinisi, ili kuli aife kuba sitabelo sa moya wa hae. Yo Jesu wa Nazareta yena uezize sikamañi? Ulahakile litafule kufetauha; anga mikata ni ku iota bwanda hamoho, ni ku shapaka baprisita bani kuba leleka mwateni; mi abiza muprisita wa mina, wa kale yomunde kuli, ‘noha mwa bucwani; muipi!’”

142 Cwale mubiza zeo kuli ki muselo wa Moya? Batili kutokwa. Cwale ukai muselo wa mina wa Moya ni fo uyemi? Hakusana ni kunahana za sishemo, mi Yena inza fita mwahala nyangela ona cwalo kwani, babañata ba lobezi, libofu, lihole, baba zielehile, babana ni luñañali, baba omelezi, lianga, kono ali kuba afolise ni yomukana wa bona; yatezi sishemo. Batu babana ni minahano ya nama habana ku Li ziba. Likolo la za bulapeli ha li luti Zeo. Ki sinulo. Luli. Muselo wa Moya uwile kwateni, nji cwani? Baprisita bani neba na ni muselo wa Moya hañata ka linako ze lishumi.

143 Kana muka ziba cwani lika ze lukile? Ponahazo ya Linzwi la Mulimu leli bulezwi ha ibonahala, Liseli la hola. Luli. Fani kona fo kuna ni bupaki bwa Moya o Kenile, kulumela Linzwi la Mulimu ha Li bonahala. Nali yena Linzwi, leli bonahalile. Mi babañwi ba bona ba Li latula, ba Li seha, ba Mu bona bukuba ni ku Mu biza kuli ki—ki mulauli, si moya se si maswe cwla; bwani kona bupaki, kubulela ka malimi, bwani kona bupaki bwa miselo. Bupaki fela bunosi ku bobuli teni, ki fo mutu ha lumela Linzwi le li ñozwi. Ha Li pakilwe, muzamaye mwa Liseli la Lona. Jesu nalie yena Liseli la hola kakuli Nali yena Linzwi la sepiyo ya hola, mi alika kuba bulelela cwalo, kono nebali hahulu—hahulu mwa lififi kuli ba Li utwisise. Kona muinezi, kacenu, cwale.

144 Cwale libupiwa za nako, luna lu cwalo. Mubeye linzila za mina ku Yena, mi Uka tisa za kwapili hande, kakuli lu Mu bona fela ka Mwa inezi mwa Linzwi.

145 Mu Muboni ha paka Linzwi leli sepisizwe la kacenu. Mwa libona mwa sisupo mwa kweli. Mwa libona mwa likeleke. Muhupule.

146 “Mu bulezi kuli, ‘mwa keleke,’ seo sina ni kuezza sikamañi kwa keleke?”

147 Fa nako nyana fela. Kweli iyemela keleke. Jerusalema kona muleneñi wa kale o zibahala hahulu mwa lifasi. Melekisedeke na zwelela mwa muleneñi ona wani; Mulena wa Salema, Mulena wa kozo, Mulena wa Jerusalema. Yeo ki niti, muleneñi wa kale kale mwa lifasi. Mi yani neli yona kweli, sina kone kutomilwe mulao, mi ki ha kutaha mubonahalelo wa lififi la Bamacaba fahalimwa yona. Mi ali, “Ke—ke keleke ika hatikela mamota a Jerusalema

kufitela nako ya Bamacaba ifela.” Mi fa ki ye. Lu pila mwahala yona luli. Iya ikutela mwa mulaho, ona cwalo fela sina libizo la ka hali bizwa William Branham. Eeni, sha, lwakona ku libona. I kwahezwi, ikwahezwi kale, ne li bulezwi kale; ubiza Baketwa kuli bazwe. Ba sweli kububutela ona cwalo mwa lififi, babañwi ba bona, habanze ba zamaya cwalo. Ku lukile.

<sup>148</sup> Cwale lu bona Linzwi la Hae ha li pakiwa. Lwa lumela. Konakuli haiba Na pakile Linzwi la kacenu, seo lili Sona, ki sikamañi se Ni bilaela ka ze uka tisa mwaha otatama wo? Ni ka bilaela sikamañi ka mwaha o taha? Ki sikamañi se Ni bilaela kamba Na pila kacenu kamba ni shwa kacenu? Linzwi kaufela la Na sepisize lika pakiwa, lifi ni lifi! Haiba Wakona kulieza kacenu, kasamulaho wa kusepisa cwalo lilimo ze likiti zepeli kwa mulaho; haiba ki lilimo ze likiti ze mwanda, kacenu, Jesu uka kuta mwa lifasi mwa mubili o bonahala, kutela Keleke, ye—ye Liuluzwi, ya Munyaliwa, ni ku Mu nga kuzwa fa. Hakuna taba kamba ku taha sikamañi, si siya, mikwa yeminca, za kubulela kuil “muzwelepili,” mi sicaba sakona kucapwaela mwa lififi ni kulumela sika kaufela se ba bata kulumela, kono Jesu Kreste uka kuta hape. Ni sepa zwakwapili li ku Yena, kanti. “Mulena Mulimu, Hani zibi ze taha kamuso, kono Na ziba U sweli kamuso.”

<sup>149</sup> Linzwi la Hae liswana fela inge siñwañwa sesituna. Ki babakai ba mina babakile bautwa fateni siñwañwa? Kihande, mañi ni mañi mu si utwile. Cwale muhupule, siñwañwa ki lipina ze liziwa mwa papali. Ni sepa Ni kumbile cwalo, kona siñwañwa. “Pitrosi ni Sitongwani,” mwa hupula yani, likande la kale mo ne ezezanga za . . . Ni utwile zani, mo be nanulela lingoma ni kuunya ka—ka kasuba nyana mwa kota, mi Pitrosi waya fande, mi ni kuhona kwa sitongwani, ni kulila kwa manaka; siñwañwa.

<sup>150</sup> Cwale, haiba ha mu utwisisi siñwañwa, ki nto yetuna ye lilata ku mina, haiba ha muitwisisi. Muna ni ku utwisisa seo sili sona. Kaufela zona liezahala ka lisupo ni muhatelo, kono si bupa papali mwa mulilelo wa siñwañwa. Cwale, lu lemuha cwana, mutu fela ya utwisisa siñwañwa ki muñoli wa pina ni bani baba si ziba, baba ziba mwa ku cinceza, kona baba ziba ze ezahala.

<sup>151</sup> Muñoli wa sona wa ziba muhatelo kaufela, kuzwa kwa mafelelezo kuisa kwa makalelo, kuzwa kwa makalelo kuisa kwa mafelelezo. Kana mwa ziba cwalo? Yena yana siñozi, wa ñola ye, wa ziba kai ni kai fa kuyema. Haiba wa ziba kai ni kai fa kuyema, kona ni yena muzamaisi wa pina mwa lukela kubela, fa kuopelisa. Cwale muka pikulusa cwani tuto ya mina ya tumelo ku zeo? Kaemba nyana kalikañwi kaka shutani kwateni, sisupo sani, kalulo iliñwi nyana ye fulana mwa mulilelo wa sona, yakona ku lyanganisa sikwata sa balizi kaufela, kulyanganisa siñwañwa kafoo. Cwale muziba kuli yeo ki niti. Muñoli wa pina ni muopelisi wa yona bana ni kuba mwa moya oswana.

152 Ki kabakaleo mukutazi ni Linzwi la Mulimu, ili Siñwanwa sesituna sa Mulimu seo a bile Aliza haisamba makalelo a nako; mukutazi, kwa Linzwi, ha lukeli kotalimela fa ni kubulela kuli, “Ni lumela kuli *se* sa lukela kuba; mulukela ku Li eza ka nzila *ye*.” Una ni kuya ka mo iñolezwi pampili ya Lipina. Cwalo kona mo ilukela ku kutalezwa Evangeli, ona cwalo mo li bulelela Linzwi la Yona. Mwa ziba, haiba mu nepela mwateni tuto ya tumelo mwahali Mwani, kipeto keke mu lwanganisa lika kaufela. Ina ni kueza papali yateni kulila ona cwalo ka swanelo.

153 Muopelisi wa pina una ni kuzamaelela ni za bulezi muñoli wa pina, kuliza hande ona cwalo ka swanelo, minembo ya lipina. Cwale mutalimele, kaufela zeo liezahala ka lisupo, mi ilukela kuba sisupo se silukile hande, kuli sife mufuta omunde wa mulumo.

154 Paulusi naize, “Haiba tolombita ilila mulumo o sa ketehani, ki mañi ya ka itukiseza ndwa?”

155 Cwale mwabona Muñoli, Mulimu, Yena yana ñozi Bibebe, kaufela yona ki sinulo ya Jesu Krete. Na ziba licinceho za nako. Mi haili mutu, yena—yena muzamaisi yasweli ku li zamaisa, sisupo sa lusika, sina ni kuzamaelela ona cwalo luli ni lisupo za Bibebe. Haleluya! Mawi, mawi, mawi, mawi, mawi!

156 Oh, muzwale, kezeli, ki butata mañi bobuli ni lifasi? Kiñi ha Ni li ya lyangani? Kuna ni se si fosahalile kokuñwi. Siñwañwa ha si zamaeleli ni Pina yeli fa pampili! Basweli kueza lituto za kekeke ni lika lisili fela, kanti ki Linzwi leli swanela ku kutazwa, kuli li bonahale. Kuna ni se si fosahalile ni bazamaisi ba lipina, kona kuli sikwata kaufela sa lyangana, mi ha ba zibi sa kueza. Kaufela zona za sehisa, “Ki sikamañi se si ezahalile? Kiñi *se* ha si ezahala? *Se*, si ezahalile cwani seo? Kana, si ezahalile cwani *sani*?” Haba sa ziba sa kueza cwale. Kuhasana, kakuli ha li si ka utwahala ka kulumelelana ni Linzwi. Bwani kona butata bobuli ni za luna, ze lubiza kuli, ancafazo ya lizazi la mafelelezo. Bwani kona butata bobuli ni liñusa la luna la Pentekota. Lu zwile mwa mulizezo wa Bibebe, luilo ikopanya inge mone ba ezelize kwa mulaho kwani. Na zwile mwa munembo wa pina.

157 Mulimu, alu utwele butuku. Kambe Nina ni manzwi akuli Ni kone ku koñomeka kuli Li utwahale, mo ku swanehela, kuli Ne ni ka li hasanya ni ku Li sela hande mwateni.

158 Kana ha muboni, muzwale waka, kezeli, lina ni kuba mwa kutwano? Muzamaisi wa pina una ni kuba ni Linzwi. Ha Ni bulelela sika, musike mwa bulelela nto isili fela; sikafa sisupo sisili, kona kuli nto yateni kaufela izwa mwa munembo oswanela. Yeo ki niti. Linzwi la Mulimu ki kutwisiso yetuna, ki siñwañwa, nitaluse. Muni swalele. Muna ni kukalisa sina mwa Na kaliselize yena, mwa Pina. Muna kukalisa ni Yena. Mulemuhe, mukene mwa munembo wa Yona.



159 Muli, “Kihande, Ni ikenyize mwa keleke.” Wani ha ki ona munembo. “Ni ezize se.” Wani haki ona munembo. “Ni ile kwa aletare mi Ni—Ni bulezi kuli, ‘Na lumela Jesu Kreste ki Mwana Mulimu.’” Satani ni yena ueza lika zeswana. Wani haki ona munembo. Mwabona, mu ka zwa mwa muopelelo wateni. Ki sikamañi se si ezahalile? Mwendu muopelisi yomuñwi u mi bulelezi kuli, “Muswalane mwa mazoho ni kuñolisa libizo mwa buka; muikopanye kwa kakwata ka luna, katengo ka luna.” Fohe kipeto muzwile mwa munembo wa pina!

160 Mi cwale nto yenyinyani haikala kuezahala kwande kwanu mwa sikwata nyana, muka li, “Kihande, kucwani he ka *Sani*, ba zwile mwa munembo.” Mukutele kwa Linzwi mi mubone kuli ki mañi yatisa malundu ya zwile mwa munembo. Mubone sana sepisize Mulimu. Mubone sana bulezi Muñoli wa pina ka Sona.

161 Mwabona, muna ni mañi ni mañi mwa sicaba. Leo kona libaka lifasi halisweli kotalima kafa ni kafa. Kanti keleke ilukela kutalimela mwahalimu kwa naleli yesweu, ye benya, ili Liseli le li inzi fa lilundu, leo hakuna mutu yakona ku litima, hakuna mutu yakona ku Li nyaza.

162 Mi, kacenu, ki sisehiso sa lifasi, bakeñisa kuli baopelisi ba lipina bazwile mwa munembo wa Muñoli wa pina. Mwabona se Ni talusa? Hasweli kuliza lika ze si yo Mwateni. Baopeli habasa ziba za kueza cwale; keleke, kaufela bona bakeni mwa kulyangana. Lubile lubulela fa lika ze kaufela, lilimo kaufela, ni ku li nyaza, mi cwale ni kutamahana hande ka zona. Oh, kuna ni sesi fosahalile kokuñwi.

163 Mulemuhe, muswanela kukalisa ka Pina sina mwa Na kaliselize yana, ku utwisisa munembo wa Yona, kukena mwa Linzwi leli sepisizwe. Kubona mukwa wa Na ezize kaona kwa simuluhu, kubona mukwa wa Na ezize ka ona mwa lusika mwa fahali, kubona mukwa Wa eza kaona cwale, kamita kinto yeswana.

164 Mutalimele muopelisi wa lipina, mwa li ezeza. Haiba haezi cwalo, haiba u mi supeza kwa kopano fela cwalo; Nekusina muopelisi yakile aeza cwalo fateni. Muopelisi kamita na mi supeza kwa Linzwi. Bapolofita ba kale, neba supeza kwa Linzwi. Nebali bona Linzwi. Neba pila Linzwi. Mi kisikamañi sene ba eza? Ne li bonahalisa Mulimu. Lani neli tisa Linzwi le liñozwi la lizazi lani kuba leli pila, kakuli Ne li tile ku bona. Ne li patululwa ku bona. Lani neli lona Licwe la bona. Haleluya!

165 Jesu Kreste, Linzwi la Mulimu, kona Licwe la luna. “Fa Licwe le Ni kayaha Keleke ya Ka,” lona Linzwi la Mulimu le li patuluzwi. Shalomu, ku mulumeli wa niti. Kozo! Lu kwa nako ya maungulo. “Fa Licwe le Ni ka yaha fateni Keleke ya Ka,” sinulo ya Linzwi.

166 Yomuñwi ali, “Kihande, Wena u muuna yomutuna. Uswana sina Mushe. Wena u muuna yomutuna. Uswana sina . . .” Seo ha ki sona.

Kono sinulo ya bulela kuli, “Ki wena Mwana Mulimu.”

167 Ali, “Nama ni mali ha li si ka ku patululela Sona, kono Ki Ndate yamwa Lihalimu. Fa Niti ye patuluzwi ye, Ni ka yaha Keleke ya Ka.”

168 Ki sikamañi seo? Ki yena Linzwi. “Kwa simuluho nekuna ni Linzwi, mi Linzwi nali ku Mulimu, mi Linzwi nali Mulimu,” mi Linzwi liseli yena Mulimu. Ona fela, yena yaswana kacenu, inza iponahaza İliyena sina mwa Na inezi; Mushe ni Elia, ona cwalo kushetumuka, mi Jesu, ni yena Mulimu yaswana kacenu, u Mu eza “Jesu Kreste yaswana maabani, kacenu, ni kuyakuile,” Maheberu 13:8. Mwabona, bao bali kuba ba mi supeze kwa sikwata. Neba mi supelize ku Mutu, ba mi supeza kwa Linzwi, Mulimu.

“Ni Ka kaliseza kai, Muzwale Branham?”

169 Fa Sifapahano, mukalele fa Sifapahano ni Yena. “Mubake, mulumele Linzwi,” ona seo kona sene ibulezi Bibe. Kipeto mulatelele cwalo munembo wa ze siyezi za Linzwi.

Mu li, “Kihande, ki sikamañi se Ni kaeza?”

170 Mu zwelepili fela kulatelelela munembo wa Linzwi. Haiba “kubaka” kona nto yapili, ka kulemuha, mueze cwalo, wo kona muhato wa mina wapili. Mubeye muhato wa mina otatama fo libulela Linzwi. Ona cwalo, ona cwalo ona cwalo, ni kuzwelapili ni Yena.

171 Musike mwa lyanganisa munembo haiba mu siemba sa siñwañwa sa Mulimu. Musike mwa lyanganisa munembo wa Linzwi. Musike mwa buza, “Kihande, kiñi? Kiñi se ha si ezahalile? Ni likile cwalo, Muzwale Branham, mi, hane ba ni hanile, mwa ziba sene Ni ezize? Ne ni bata ku ipulaya kwa tala.” Musike mwa buza libaka. Wa ziba munembo wateni, mo uka cinceza, ni makauhanelo a kuba ni ona, eeni, sha, kakuli Ku ñozwi. Yena wa ziba ka Zona kaufela. Wa ziba munembo wateni. Musike mwa buza libaka. Mu Li lumele!

172 Mulimu ushetukile kutaha fafasi ka nako ya za ikale, ka Linzwi la sepiso ya Hae, mwa lusika lufi kaufela, mi ha li si ka palelwa fateni (ku lyanganisa) munembo, ka Mata a Mulimu, ha Li taha kwa baketwa ni sicaba se si pakilwe. Munembo wa Linzwi la Hae mwa mazazi a Nuwe, munembo wa Linzwi la Hae mwa mazazi a Nuwe, mwa mazazi a Mushe, mwa mazazi a Elia, mwa mazazi a Joani, mwa mazazi a Davida, mwa mazazi a Jesu, cwalo cwalo kushetumuka, U buluka munembo wa Linzwi, kutaha fafasi ona cwalo, ha Li si ka lyangana kale fateni. U shetumukile cwalo mwa litaba za kale. Mi Peu ye ketilwe, yene Li boni ni ku Li lumela, ye iwezi hande mwa munembo wa Yona.

173 Babañwi bali, “Kihande, kono keleke ibulela kuli . . .” Zeo halina za kueza ni Zona. Ha mu si ka pepelwa kueza zeo.

174 Mu pepezwi mwa Linzwi, kakuli mu pepilwe ku Kreste. Kreste ki yena Linzwi, eeni, sha, yeñwi ni yeñwi mwa lusika lwateni.

175 Mu li, “Kihande, Ni ka kubulelela fela, Muzwale Branham, Hani koni kutalimela kwapata.”

176 Konakuli ha muinule litho. Mulimu na sepisize, haiba ne muka inula litho, ku Mu bona; shalomu, kozo, kozo ya Mulimu imi katuluse.

177 Mu li, “Kona kuli ki kabakalañi babañwi ha ba ni seha, Muzwale Branham? Mwa ziba, babañwi basweli ba ni seha, mi bali Ni—Ni nani ‘milili yemitelele,’ Ni siyalezi ‘kuza kale,’” kwa basali. Kwa baana, “Kakuli Ni lumela Bibebe, ‘Ha u sana kutwano ni luna ni hanyinyani. Halu koni ku kuamuhela kakuli u—u lumela za *kuli-ni-kuli*.’”

178 Mi muziba kuli ona ona cwalo luli ka swanelo ya mo liñolezwi Linzwi. Mulimu utamehile ku mina, kuli ayemele Sani kanti. Yena luli u cwalo. Hakuna taba ka seo, libaka le ba bulelela za lishaha ka zona. Mulimu ki Mulimu ya lifufa. Muhupule, kunyanda bakeñisa Linzwi la Hae ki kuhula kwa butuku bwa sishemo sa Hae. Ha mu nyanda bakeñisa Linzwi la Hae, ki butuku fela bobu sweli kuhula.

179 Mwa ziba mwanana yomunyinyani cwalo, wa lilimo ze lishumi, ze lishumi ni zepeli za kupepwa, haba ni butuku. Ha taha, uli, “Ima, mazoho aka ni mahutu a opa,” zeñwi cwalo. Ki butuku bwa kuhula. Li bonisa kuli una ni ma vitameni amande. U sweli kuya ahula.

180 Mi cwale mutu hakala ku mi eza lishaha, hali, “U siyalezi ku zakale. Amu mu bone, ki . . . Oh, Ni ka ku bulelela, na banga . . .” Ku lukile, muhupule fela, ki butuku bwa kuhula. Ani ki ona matata amande ku mina. Ki butuku bwa kuhula.

181 Oh, eeni, U lumelezanga lifapahano ni manganandila ni makauhanelo a mikwakwa. Wa ezanga cwalo kamita, fa kuli a lu petahaliseze mwa sbelezo ya Hae. Wa lumelezanga lika zani ku ezahala. Kana mwa utwisisa? [Kopano ili, “Amen.”—Mu.] Wa ezanga ona cwalo ili kuli Ami petahalise kwa pizo Ya mi bizelize. Bwani ki butuku bwa kuhula kwa mina. Na ezize ni Daniele ona cwalo, mwaziba.

182 Na ezize ni bana ba Siheberu, mwa ondo ya mulilo o sabisa. Ondo ye sabisa ya mulilo ne iezize sikamañi? Ondo ye sabisa ya mulilo ne ipumakile litamo zene ba tamile. Zeo kona ze ne iezize ondo ye sabisa ya mulilo, ya to tamulula fela litamo zabona.

183 Fokuñwi si lwalanga miliko kuli litamo li pumehe ku luna, ku mi zusa mwa lifasi. Kwakona kuba, likaba ni ku mi zusa mwa lituto za litumelo za mina, pili. Inge mutu yanza tiba mwa

nuka, muna ni ku mu cimbula mwa nuka musika zusa kale nuka ku mutu yoo. Ona cwalo kona Mulimu mwa ezezanga linako zeñwi. Umi tuhela ba mi nepela kwande, nako yeñwi, kipeto ba zwisa lifasi ku mina. Muna ni—ni ku zwiswa lifasi ku mina, pili. Fokuñwi butuku bwa kuhula bo bwa ezanga zeo. Oh, eeni.

<sup>184</sup> Mulimu uyemi fa Linzwi la sepiso ka mwaha ni mwaha o munca. Wa yema ku Lona, mwaha wo, kutaleleza sa Na sepisize mwa mwaha wo. Kaufela seo sili sona, Ni bata kuba hande fahali a tato ya Hae ya kwapili, sina mo ne ba ezelize.

<sup>185</sup> Inge Abrahamama, hana fitile fa manganandila ao, na sa zibi kuli na ka eza cwalo. Mulimu na mu bulelezi kuli, “Ni ka kufa mwana mushimani.” Lilimo ze mashumi amabeli ka zeketalizoho a libelela mwana yani. Kwa mafelelezo mwana ataha, mi Mulimu ali, “Cwale, ka yena mwana yo, Ni ka kueza ndatahe macaba amañata. Munge fahalimu mi u yo mu bulaya. Munge fahalimu u yo mubulaya,” abulaya sika luli sa na libelezi mwaha ye mashumi amabeli ka ye ketalizoho mwana wa mushimani yo. “Munge fahalimu mi u mu bulaye.”

<sup>186</sup> Abrahamama na si ka bilaela. Ne li si ka mu bilaeza. Na lwala likota ni ku lipaheka fa tonki, ni anga mwana hae. A pahama ni yena fahalimwa lilundu, ku yo mueza sitabelo, kakuli Abrahamama na ziba kuli na mu amuhezi singe yazwa kwa bafu; mba ya Sarah ne se ishwiwe, yena na sa pepi, konakuli nekusina nzila isili. Mi mushimani . . . Nana ni myaha ye mwanda ya kupepwa, mi musali yena nana ni ye nainte, kacwalo ataha ka Linzwi la sepiso. Yena Mulimu yaswana yana file sepiso, ali, “Ni ka kueza ndate wa macaba,” kasamulaho wa lilimo ze mashumi amabeli ni ze ketalizoho, mi ali wa ye mwanda ya kupepwa, yena ni musala hae ba amuhela mwana. Haiba ki Mulimu yana mu bulelezi kuli amu taleke kueza sitabelo, Mulimu na ka mu zusa. Amen.

<sup>187</sup> Kulumbwe Mulimu, mizwale. Ni ikutwa hande. Ni ikutwa bulapeli. Kacwalo haki bunde nibo bo Ni utwa! Ni ziba nto iliñwi ye, Wa kona ku mu zusa hape. Luka yema fa Linzwi la Liseli la hola ye leli sika zwakana! Mulimu uka lu zusa fo lusika lo ha lutaha cwalo, sina Maseli a benya kulwanisa lusika lo. Amen.

<sup>188</sup> Ki kabakale Na ize kuli, “Mulena wa musali wa kwa Mboela uka yema mwa Katulo, ni lusika lwa hae, mi a atule lusika lo; kakuli yena nazwile kuk bo siyendekamisi kafoo kwa mafelezo a lifasi, ku to utwa butali bwa Solomoni, mi, amubone, yomutuna yafita Solomoni ki yo faa.” Kuli mulena wa musali yomunyinyani yani, inza taha cwalo, muhedeni, abona Liseli, mi ataha ka limaili inza polyana mwa lihalaupa, likweli zetalu fa mukokoto wa kamele, ku to teezeza butali bwa Solomoni, mi ni bona inge ba yemi fani, mi Solomoni ki mufuta fela, wa mufuta wa Hae.

<sup>189</sup> Mi ki ha taha kutobona Wesley, Luther, ni bani babañwi kaufela, likopano za kwa kale kwani, ka kuba fela mufuta ni

mukwa wa ze ezahala cwale, mi ba zamaya kukena ku Zona. Oh! Ku lukile.

<sup>190</sup> Kakuli, konakuli mwaha o munca uzibiwa ki Mulimu, mutokomele fela kupila mwa Linzwi la Hae. Mu zamaye fo libulela Linzwi kuli mu zamaye, halunze lu atumela cwale kwa kukwala, sina babañwi, Peu ye ketilwe mwa lizazi la yona hane ba boni Linzwi. Ki sikamañi sene ba ezize? Ne ba keni ku Lona, haiba nebali Peu ya baketwa mwa masika asili, kakuli Yena ki yena Linzwi le li sa palelwi. Ki babakai baba lumela kuli Jesu Kreste ki Linzwi? [Kopano ili, “Amen.”—Mu.] Oh, mawi!

<sup>191</sup> Ne ni utwile tukiso zazi leliñwi, ya kopano yeñwi ya batu, Bo H. M. S. Richards ne babulezi kuli “ba ñozi buka ya mwaha omunca.” Hani lati ku kananisana ni muuna ya cwalo yani. Niteñi, kakuba wa Tumelo Yaba Sabata ka lizazi la busene, Ha ni lumelelani ni tuto ya Tumelo Yaba Sabata, kono luli Na mu lata muuna yani. Kono Ni ka palelwa ku lumelela ni yena. Yani u kona kuba H. M. S. Richards buka ya mwaha o munca.

<sup>192</sup> Kono Buka yaka ni Buka ya mina, ya mwaha o munca, ki Buka ya mwaha wa kale, yona Bibebe, Linzwi la Mulimu. Mu I eze fela kuba yepila ku se I sepiselizwe kupilela. Eeni, sha. Mi mwaha ni mwaha otaha, ni mwaha ufi kaufela obile teni, Yena ki Mulimu wa Kuyakuile yapila ka Linzwi la Kuyakuile la Na bulezi, mi Niti ifi kaufela ya Bibebe ni sepiso ifi kaufela ku Yona ha li pakiwa, sina mo ku bezi mwahala lilimo.

<sup>193</sup> Mo Mulimu na sepiselize kuli Uka sinya lifasi ka mezi, mi A lipaka cwalo ka Mushe. . . kamba ka Nuwe.

<sup>194</sup> Na sepisize kuli U ka luma mulamuleli, ni ku lukulula Isilaele kuzwa mwa Egepita; neba zamaile ka myaha ye mianda yemine. Na ezize fela ona cwalo luli.

<sup>195</sup> Mi A konka kuli Uka tis Davida, ni ka mo Davida na kabela—ni mwana mushimani; Kreste nakaba yena mwana hae wa mushimani, kuya ka Davida kwa taha Kreste. Mwa Na konkezi kuli Na ka eza sani; A eza ona cwalo luli.

<sup>196</sup> Na sepisize kuli Uka luma Joani Mukolobezi, kale kutaha kwa Jesu Kreste ku si ka ba teni. U ezize ona cwalo.

Na sepisize kuli Uka luma Mesia. U ezize ona cwalo.

<sup>197</sup> Na sepisize lifasi kuba mwa sikwata sesituna sa tutengo ni kupanga mulao, yona puso, ye zibahala sina sibatana, mi ne sikaba fani inge siinzi fa malundu a sebene. Ne si ezize ona cwalo luli.

<sup>198</sup> Kuli mane keleke neika ba nyandisa, kuisa lifu! Ne ba ezize ona cwalo luli.

<sup>199</sup> Mone ba ka tela mwa kuongaonga! Ba eza ona cwalo handende. Ka mwa Na sepiselize mwa lusika lufi ni lufi mo ne kuka bela!

200 Mi Na sepisize ni mwa lusika lo. Mi fa Yena yoo, kacenu, inza eza Linzwi lani kuba lelipila, ona cwalo fela sina mwa Na ezelize kwa simuluho. Luli.

201 Mi cwale sepiso kaufela ha se italelelizwe, “lifu la miziwa mwa kukoma,” Jesu uka taha; mi wa mafelelezo uka bonahala, kona kuka taha kozo ya Kuyakuile mwa lifasi, ni shalomu ya Kuyakuile. Shalomu ya Kuyakuile, kozo, ika yaha mwa lifasi.

202 Mi Jesu hana tile, yena Mulena wa Kozo, kiñi hane kusina kozo? Kakuli Linzwi kaufela ne li sika talelezwa kale mwa lizazi la Hae. Usweli Wa Li taleleza kacenu. Kono cwale Linzwi la Hae kaufela la sepiso, lene lili muhupulo wa Mulimu. . .

203 *Linzwi* ki “muhupulo o bonahalisizwe.” Mulimu, mwa munahano wa Hae, na U nahahile, ni ku U bonahalisa mwa baplofita ba Hae, mi cwale Una ni kutalelezwa. Mi, cwale, Na lu bulelezi ka lika ze kuli lusike lwaba ni mafosisa ni kububutela mwa lififi he, halu li bona inge li talelezwa.

204 Cwale, Na sepisize kuluma Krete ka nako ya bubeli. Mi nako kaufela Ha eza cwalo, haiba Krete utaha ka nako ya bubeli, kukaba shalomu ya Kuyakuile.

205 Amutwe, balikani, halunze lu kwala. Muhupule, Bibe kona liweluwelu la butali kaufela. Ha izweleli ku munitu wa Dokota, Ph.D., LL.D. I zwelela mwa Linzwi la Mulimu.

206 Nekuna ni munitu Dokota wa za Bulapeli yanaliteni kwani, mwahala mianda anda, mi ni Mushimani yomunyinyani wa lilimo ze lishumi ka zepeli za kupepwa mwateni, kakuli Nali yena Linzwi. Mushimani yomunyinyani nasina tuto ni yekana, kono niteni Nali yena Linzwi. Kakuli Nali yena Liseli leli bulezwi la lizazi lani, Nali yena ponahalo ya Linzwi lani. Linzwi nelili ku Yena. Nelina ni kuba cwalo. Ki kabakaleo za Na bulela nelina ni kuezahala, kakuli nali Yena Linzwi. Mwa utwisisa? Kaufela baba utwisisa, mubuleli kuli, “Amen.” [Kopano ili, “Amen.”—Mu.] Nali yena Linzwi.

207 Muhupule Bibe, isiñi buka yeñwi ya silimo yeñozwi ki mutu. “Linzwi la mutu kaufela libe lishano, kono la Ka abe Niti.”

208 Mi litumelo ni bulapeli, ni—ni zeñwi cwalo, kaufela zona libanga fela ze ngungehana hamoho hamuna ni sikwata sa batu ku Zona. Mulimu ali kuba aambolisane ni sikwata se si cwalo. Haiba Jesu naka taha kacenu, kana Na kanga siemba ni ba Methodist, ni ba Baptist, ni ba Adventist, ni Lipaki Jehova, niba Sayansi ya Sikreste, Mapentekota, ba Presbyterian? Batili, sha. Kaniti Na sike kuyema ni ifi ya zeo.

209 Ki ndwa ya mutu anosi, wena ni Mulimu. Hakuna batu bababeli baba kona kubona hande liito ka liito, hamoho kubona zeswana; minwana yemituna yemibeli ha iswani. Mulimu ubelekisanga mutu alimuñwi. Mi mukona kuziba cwani haiba

ulukile kaba nee? Mi kipeto mutalime kwa mulaho ni kubona haiba uina ni Linzwi. Haiba uina ni Linzwi, konakuli Mulimu wakona kotalimana ni yena; haiba ha yo cwalo, sesiñwi sika talimana ni yena. Mwabona? Yeo ki niti.

<sup>210</sup> Muhupule, Biblele ki liweluwelu la butali kaufela, ni kuba ni sepo kaufela ya za kwapili ku Yona. Shalomu, kozo ya Mulimu!

<sup>211</sup> Inge likande lene li kandekilwe nako yeñwi, ka mushimani yomunyinyani yana shwezwi ki bo ndatahe asika hula kale kuli abone bo ndatahe; inge ali fela mbututu yeli telee bo ndatahe ba shwa. Zazi leliñwi ana bile ni lilimo ze lishumi cwalo, lilimo ze lishumi ka zepeli. Nana ni muzwale wa hae yomuñwi, yabizwa John. Aya ku muzwale wa hae, mi ki hali “Uh, John,” yanali yomuhulu nyana kuyena, ali, “kana wa, kana wa hupula bo ndate?”

Ali, “Eehe.”

Ali, “Neba bonahala cwani?”

<sup>212</sup> Ali, “Kihande, neli baana babatelele, mi neli baana babande luli. Neli babande nako kaufela ku boma, mi nebana ni pilu yende ku—ku na, mi neba na ni sishemo ku mañi ni mañi.”

Mi ali, “Kihande, kipeto kona fela zo ziba ka bona ona zeo, John?”

<sup>213</sup> Ki hali, “Kihande, Na ku bulelela.” Ali, “Henry,” ali, “mañi ni mañi ubulela kuli Ni—Ni bonahala inge bona.” Mi ali, “Mañi ni mañi ubulela kuli Nina ni sibupeho inge sa bona.”

<sup>214</sup> Ki hali, “Oh, zeo ki zende! Zeo kona ze Ni bata kuziba.” Ali, “Ha Ni kubona, Ni bona bondate.”

<sup>215</sup> Ki fo cwale. Hane li—li lifasi halibona Jesu Kreste, likaba ku mina, mi Linzwi le liñozwi la kacenu.

<sup>216</sup> Ki kai ko mubona Jesu ku Davida? Linzwi ha li bonahalile ka yena.

<sup>217</sup> Kana mubona cwani Kreste, Mulimu ku Elia, mwa koloi yani yeneya kwa Lihalimu, mwabona Jesu ku Elia? Kakuli, Linzwi ne li pakilwe.

<sup>218</sup> Kana mu Li bona cwani ku Mushe? Jesu nali ku Mushe. Biblele ibulezi cwalo. Mwabona, yeo ki niti, Na tuka mwa sicacani sene sili ku Mushe mwa lihalaupa.

<sup>219</sup> Kana sicaba sika ziba cwani Jesu Kreste? Foo bona, yena, haba Mu bona ku mina, haba bona Jesu ku mina. Kakuli, mi Ali, “Misebezi ye Ni eza muka ieza ni mina. Yemituna mane ni kufita ki ye mu ka eza, kakuli Ni ya ku Ndate Luli.” Kana ku cwalo? [Kopano ili, “Amen.”—Mu.] Cwalo kona bona, ba lifasi mo ba zibela.

<sup>220</sup> Isiñi kuli ba Pentecostal Oneness ki babatuna kufita ba Pentecostal Twoness, kamba ba Twoness ki babatuna kufita ba Threeness, kamba kaufela zeo munani; isiñi kuli ba Methodist

ki babatuna kufita ba Baptist; kamba ba Southern Baptist banga mupuzo mwaha wo ba—ba likeleke za Baprist kaufela, Baipanguli kaufela. Bana ni ma membala babañata mwaha wo kufita babañwi ba bona kaufela, Na utwisisa, kuya ka palo. Sani ha si ezi shutano ni yekana. Mulimu ha mi zibi ka buñata bwa linombolo. Mahedeni ba mi fita kwa buñata, ka nako kaufela. Bakatolika ba mi fitela kwahule mina kaufela. Ba bulapeli bwa Mohammedan bana babañata kubona kaufela. Mwabona?

221 Mwa zibahala haiba Jesu Kreste upila ku mina, ka Bupilo bwa Hae, mi Linzwi leli sepisizwe la lizazi le ha li iponahaza Ili lona. Mwabona?

222 Cwale Linzwi leliswana lene li bonisizwe ku Mushe ne li sike ku bonahalela ku Elia, kakuli lani neli lizazi lisili. Le liswana lene li bonahalile ku Nuwe neli sike la bonahala ku Mushe, kakuli, mwabona, Nuwe na yahile areka, Mushe na zamaisize sicaba, ona cwalo fela sene si sepisizwe. Ona liseli leliswana ne li bonahalile ku alimuñwi, ne li si lisili, kono alimuñwi na bulelezi yomuñwi.

223 Testamente Yenca kaufela ibulela ka za hola ye. Jesu Kreste ubulela kwa hola ye. Ki yena mañi, he, ki mutu fela nji? Ki Jesu Kreste, Mwana Mulimu, kubonahala, kumonyeha Liseli lani fa Linzwi la Na sepiselize lizazi le.

224 Mi mutu ha kubona upila sina Yena, ha bona mukwa wa hao ni muezezo wa hao hauba ni Linzwi ona cwalo fela mwa Na inezi, Linzwi le li bonahalile, kona kuli mutu uka bona Jesu Kreste. Haba lukeli kotalima kafa ni kafa kwa sibaka sisili, ni kubulela kuli, “Kana *tuto* ya tumelo ye iluta sikamañi, kana *tuto* ya tumelo yani iluta sikamañi?” Ba ka ziba seo Mulimu ali sona haba mi bona.

225 Shalomu, kozo ya Mulimu ibe Liseli ku mina! Mi cwale haiba Linzwi la Mulimu li pakiwa mwa lusika lo, handende, mi mwa Li bona ni ku Li lumela, shalomu ku mina!

226 Mutalime mwaha o munca ni se, mu Mubeye sina Davida hana ize, “Ni ka Mubeya kamita fapila ka. Kakuli Uinzi ku la ka la bulyo, Hanina ku zikinyeha.” Haiba mukata lifu muno mwaha, ki shutani mañi ye sieza? Mulimu na sepisize kuli Uka mi zusa. Haiba kozi ya mibulaya, ki shutano mañi ye sieza? Muna ni Bupilo Bobusafeli, “Ni ka mu zusa la lizazi la mafelelezo.” Amen. Kucwani he haiba kuezahala sika? Hakuna taba kamba ki sikamañi, hakuna sesikona ku lu kauhanyo kwa lilato la Mulimu, lelili ku Kreste. “Tala, manyando, mapunu, hakuna taba kamba ki sikamañi, hakuna se sikona ku lu kauhanyo kwa lilato la Mulimu, lelili ku Kreste.” Mi yena ki Yena Linzwi. Shalomu!

227 Halu inamiseni litoho za luna. Cwale mañi ni mañi muinamise litoho za mina fa nako nyana. Kozo ya Mulimu!

228 “Butuna . . .” [Hakuna manzwi fa tepu—Mu.] “Sina mone kuinezi mwa mazazi a Nuwe, kone ba ca, kunwa, kunyala,



kunyalisa,” inge Reno, Nevada, ni lifasi kaufela la liseli leli fubelu, “kona mo kuka bela ni hataha Mwana mutu.”

<sup>229</sup> “Mone kuinezi kwa Sodoma,” ko Mulimu na bonahalile mwa Mubili wa butu wani Abrahamama wana bizize kuli Elohim, yena yaikonela za Hae kaufela; na yemi fani, aca nama, kunwa mabisi, ni sinkwa; mi nakoni kubulela sa na nahana Sarah kwa mulaho wa hae, kwa mulaho wa Hae, mwa tende. Mi ali, “Sani si ka kutela hape kwa kutaha kwa Mwana mutu.” “Fa nako nyana, lifasi halina ku Ni bona; kono mina muka Ni bona, kakuli Ni kaba ni mina, mane mwahala mina, kuisa mwa mafelelezo a lifasi.”

<sup>230</sup> Majuda ba kutela kwa naha ya habo. Lika zesweli kuezahala, zeli mwa lizazi le, zakona ku ni hanisa ku mi bulelela makalelo a ze ezahala, kono lwa libona. Ki sikamañi seo? Linzwi le li bonahalile.

<sup>231</sup> Ki sikamañi se mu nahana kuli Maheberu neba ezize ha ba bona Linzwi inge li iponahaza, ni sepiso? Neba itukisize kuzwa mwa naha.

<sup>232</sup> Haiba ha u sika itukisa kacenu, mulikani, ukalise mwaha omunca o hande, u kalise silimo lizoho la hao inge lisweli mwa lizoho la Mulimu, Linzwi la Mulimu mwa pilu ya hao, uli, “Mulena Jesu, Ha ni zibi mufuta wa Siñwañwa seo Ubata wena kuli lize, kono haiba kalulo yani yakuli ni nyandiswe haitaha, ya ku sehiwa, ku boniwa bukuba, Ni sa kona kunga mayemo aka kuli Siñwañwa sa Hao sisike sa sinyeha bakeñisa ka. Ni ka pila hande ni Linzwi la Hao, hakuna taba kamba Iba sikakamañi. Ni ka inelela ona fani. Mi cwale lifu halina ngongota fa munyako waka, sani ki siemba sa Siñwañwa. Na ziba kanti, kuli, ona cwalo mone si natezi lifu fa munyako waka, zuho ika nata fateni leliñwi la mazazi aa, ni yona, mi Uka ni zusa hape. Ki siemba sa Siñwañwa sa Hao. Mulena, tuhela kuli nibe siemba kacenu, nji Cwani?”

<sup>233</sup> Ki babakai baba tabela kunga buitamo boo, ni kubulela kuli, “Kukalisa ka silimo sesinca se, Muzwale Branham, kukalela mwa mukopano wo, ona fa, Na sepisa Mulimu cwale, kuli ni ka yema, kusina kuwa ni pile hande ni Linzwi la Hae la sepiso, ni kupila ona cwalo fela sina Mwa sepiselize, mwa kuishuwa ni kuikokobeza; kuli Mulimu ange bupilo bwaka ni ku bubeya mwa Siñwañwa sa Hae sesituna, kuli ona sikwata sesi swana sani Uka si zusa ka lizazi la mafelelezo. Ni ka nanula lizoho laka, Muzwale Branham, ha ki ku wena, kono ku Mulimu. Uni hupule mwa tapelo”? Mulimu ami fuyole, kai ni kai. Mulena ami fuyole. Lizoho laka li nanuhile, ni lona.

<sup>234</sup> Mulena, uni nge. Mulena Mulimu, usike wa ni tuhelela kuba ni ngana, inge ya Judasi, bakeñisa kubata fela dollar, ka bukabali bwa lifasi, kamba mutu yaka ku nata nata fa mukokoto, ni kubulela kuli, “Oh, Muzwale Branham, se ki . . .”

Batili, batili. Mulimu, situheli kuli zeo liezahale ku na. Ni ka ya musipili ni babanyinyani baba kendilwe ba Mulena. Ni kaba muzwale ku mutu, ni eze lika kaufela ze Ni kona, Mulena, ni late batu ka pilu yaka kaufela. Kono, Mulena, usi tuheli kuli ni shenye kuzwa kwa Linzwi le. Ni baka ku yo zuha ka zazi la mafelelezo. Mi ki bao fela babaliteni mwa Siñwawa sesituna se, Mulena, sina ha Ni likile kutatulula cwalo musihali wo, bao ki bona baba ka taha kwa mafelelezo a—a pampili ya pina, fo zuho yetuna, ni Mangeloi kaufela ha ka kambela mazoho a onoa ni baketwa habaka ya inze ba caula. Ki bani baba bile ni kezo ya kunga siemba mwa papali ya pina ye, lwa lapela, Mulena.

<sup>235</sup> Lu ziba kuli mwa papali ba cincanga liyaba, ba tahanga mwa sika sesiñwi ni kukena ku sesiñwi, mi seo kona So ezize. No zwile kwa Moya, Mulimu, yena Jevova Yomutuna, ni kutina siyaba sa mutu, no cincize za Hao—Hao—Hao sapalo; No cincize. Wa yaha tende ya Hao. No zwile ku Mulimu, mi waba mutu, kuli Ukone kushwa kuli u liulule. No cincize siyaba sa Hao.

<sup>236</sup> Mi hape No li cincize, mi U ikenyize ili Wena mwahala sicaba baba ka lumela ni kueza ka kuzamaelela ni Linzwi lona Lo ñozi mwahali mo. Afuyozwi meto a Li bona, lifuyozwi lipilu ze Li amuhela, lifuyozwi lizebe ze Li utwa, kakuli ku ka taha zuho fo Siñwañwa ha si ka fela. Mulimu, kaufela luna lu yo ba kateni koo, nji Cwani? Fuyola sikwata nyana se.

<sup>237</sup> Kubulela sina cwana, Ndate, lu ziba kuli tepu ye iya mwa lifasi kaufela. Mi ki se sikwata sesinde, sesinyinyani cwana se siinzi mo kacenu, sicaba sesi bonahala se mo mwa Phoenix. O Mulimu, lilimo ze lishumi ka zeketalizoho za kukutaza katata ni ku omanya, mi, Mulimu, Wena wa ziba libaka, lilato! Lilato la—la shapa. Lilato la—la kalimela. Lilato la sikulula.

<sup>238</sup> O Mulimu, Ni ikenye mwa sicaba se biki ye, mi cwale U lu sikulule, Mulena, kwa Linzwi la Hao. Lu bone mata a Hao azusa bakuli ni baba zielehile, meto a libofu a kwaluhe, Moya o Kenile omutuna utahе uiponahaze mwa sibaka se. Mi cwale mukutazi kaufela ni keleke kaufela ibe fa mulilo. Mi mukopano otatama wa baana ba pisinisi, Mulena, beya pilu ya muuna wa pisinisi kaufela, mwa muleneñi wo, ibe fa mulilo wa Mulimu. Lumeleza cwalo, Mulena. Luna haluzibi sa kueza ka zona, haki kubuza kono ki kulumela kuli lika ezahala. Lu ipa ili luna ku Wena, ka Jesu Kreste, Mulena luna.

    Mi kifoo halu yemeñi cwale.

<sup>239</sup> Hani zibi kubulela, kusa kona kubulela manzwi aka hande, mi Ni bata kubulela se kakuli Ni utwile kuba ya hapelezwa kueza cwalo. Ki babakai mwahali mo baba ka nanula mazoho amina, kuli mu utwisisize se Ni talusize ka “Siñwañwa sa Mulimu”? Munanule mazoho a mina. Ni itumezi. Kihande. Kana mwa lumela cwalo? [Kopano ili, “Amen.”—Mu.]

<sup>240</sup> Mi, ki Siñwañwa, mwabona. Muka fumana kuli Si taha fa manganandila, mañi ni mañi ha zibi sa kueza. Ni li biza kuli manganandila. Ha ni zibi za lipina; kuna ni caziba wa lipina mo, kiñi, uka—uka ni swalela ka mukwa waka wa kutokwa likute. Kono, ki, basweli baliza, ku lukela kuba sesiñwi sesinga kezo. Sikaya ka bunolo, kuya mwatasi, muka nahana kuli Ki sikamañi; kono, mwabona, haiba mukena mwa munembo wa Sona, mwa Si utwisisa. Yani kona nzila fela yemukona ku utwisisa Mulimu, ki kukena mwa munembo ya Sona.

<sup>241</sup> “Ki sikamañi Seo? Kana Ni ka ba cwani? Muzwale Branham, Na ni mu Methodist wa niti fela, mu Baptist, kamba Mupentekota.” Wani ha ki ona munembo.

<sup>242</sup> Munembo ki Mulimu. Mulimu ki Linzwi. Linzwi ki yena Mulimu. Munembo wa Mulimu, ki, kuutwela Linzwi la Mulimu. Mi cwale ha mu utwela Linzwi, U liza munembo hande ku mina, mi munga sibaka sa mina. Nako kaufela ha Si ya fafasi, fafasi, fafasi, fahalimu, kamba Si cwani kaufela, mwa ziba manganandila ani.

Fokuñwi mubulela kuli, “Oh, kukula pilu ni matata!”

<sup>243</sup> Kikuli Mulimu nasika li, “Lika kaufela libeleka hamoho kwa bunde ku baba Mu lata, ha Ni nze ni nata Siñwañwa sa Ka”? Mi mu fumana kuli mu mwa nyanda ni kubitelwa fafasi, ni kunyandiswa, ku sehiwa. Muhupule, sani kona siemba se si zamaya ni sona. Haiba nji seo ha si cwalo, konakuli Siñwañwa si zwile mwa mulilelo wateni.

<sup>244</sup> Muñoli yomutuna u ziba hande zeli mwahali. Wa ziba. Na ku ziba, kuzwa kwa simuluho. Na beile libizo la mina mwa Buka ya Bupilo ya Ngunyana, kusikaba kale mutomo wa lifasi. Kana mwa lumela cwalo? [Kopano ili, “Amen.”—Mu.] Wa ziba se mu lukela kueza. Hakuna taba kamba i ya cwani ka bunolo, ni mo ibezi yensu, ku lukela kuba cwalo.

<sup>245</sup> Kono, muhupule, haiba si kena mwa lififi la muluti wa lifu, “Kina zuho ni Bupilo; Ni ka mu zusa hape.” Mi cwale Muzamaisi wa lipina ha taha inza sweli kota cwalo, he, “nako haina kuba teni.” Fani Lingeloi lani, la Sinulo kauhanyo ya 10, ha li ka hata lihutu fa likamba mi leliñwi mwa mezi, ni namwbwa mutalati fahalimwa toho ya Lona, La konkala lali, “nako ikabe ifelile.” Nako yeo haika fita, muka zuha kuzwa mwahala bafu. Kanti babañwi baba siyezi ba ka inelela mwateni, muka yo kena.

<sup>246</sup> Mupile mwa Siñwañwa. Mupile mwa Linzwi la Mulimu. Hakuna taba kamba ki sikamañi, mupile hande ni Sona, ko kaufela Mulimu anata.

<sup>247</sup> Fokuwi U tisanga matata kuli apume kwateni litamo, kuli ami lukulule. Uezanga ona cwalo. Mu li, “Kihande, Hani zibi se Ni kaeza.” Wa eza. Ki shutano mañi? Semuli fela—semuli fela

baba liza siemba. Yena ki yena luli Ya mi sweli mwa lizoho la Hae. Wa mi zamaisa.

248 Muhupule, li ezahala kaufela zona ka sisupo. Lu bona nako yelupila ku yona, ka sisupo se lupila ni sona, kacwalo lwa ziba kuli Siñwañwa sieza sikamañi kacenu. Ki nako ya ku kauhana, kunga Liseli kuzwa kwa lififi.

249 Halu buleleni hamoho, kuli musike mwa li libala, kakuli Ni ikutwa kubulela nto ye. [Muzwale Branham ni kopano ba bulela ka ku lumelelana—Mu.]: “Ki kunga Liseli kwa lififi.” Ha lu buleleni cwalo hape. “Ki kunga Liseli kwa lififi.”

250 Sani kona Siñwañwa sa Mulimu. Usweli ku si bonisa mwa lihalimu. Usweli ku sibonisa fa limati. Usweli ku si bonisa ka Yena muñi. Na li sepisize mwa Linzwi. Lwa si bona ha si pakiwa. Usweli ku kauhanya buloto kwa muuku. Usweli kuzusa Liseli kwa lififi.

251 Kana mwa Mu lumela, ka lipilu za mina kaufela? [Kopano ili, “Amen.”—Mu.] Halu opeleni pina ya luna yende, kanti.

252 Mi Ni bata kubulela linzwi kwa balisana, fa muzuzu fela. Mizwale, Mulena ami fuyole. Ni itumezi ka ku lukulula likopano za mina ni kuba tisa kwanu. Ku mina balisana kwande kafoo, Luli na itumela ku mina. Ni teni fela kwanu . . .

253 Halu boneni ni bulele cwana, mizwale, kwa kona ba Methodist, ba Baptist, ba Presbyterian. Kana mwa utwa, Ni bulela fela nto yeswana ni kwa Mapentekota sina mo Ni ezelize ku mina? Ka kuswana fela, mwabona. Ha ki kuli . . .

254 Haiba ha Ni koni ku kanana ni mutu, ka buhali, ni be ya mulata . . . Kakuli, haiba Ni palelwa kulumelelana ni yena, bakeñisa ku sa lumelelana fela ni yena, fo Ni muipi fela; Ha ni swaneli kuli ni yeme kulo fa. Kono haiba Ni palelwa kulumelelana ni yena bakeñisa puteho ni lilato ni kutwisiso, hakuna taba ka za eza, usali muzwale waka yomunde. Ni yemi ni yena. Eeni, kaniti. Yeo kwateni ki niti luli. Haiba zeo haliyo mwa pilu yaka, kona kuli Mulimu ani zwise fa katala fa, Ha ni swaneli kuna fa. Yeo ki niti. Ni bulela cwalo ka lilato, ni sika se Ni bona kuli sa taha. Mi Asi ka be ani tuhelela nihaiba nako iliñwi kuli ni fose ka zeo, kufita ni cwale, kakuli kamita ibile Linzwi la Hae. Kacwalo, Mulimu ami fuyole.

255 Cwale halu inamiseni litho za luna fa nako nyana, ni kuopela pina yende, ya kale yene luopelanga hahulu, “Na Mu lata, Na Mu lata.” Haiba mulizi wa piano, kamba ki mañi kaufela, kamba bona ba lilimba, ba lufe kwateni munembo wa yona, Na sepa. Eeni, ku lukile, halu boneni haina lwakona ku i opela kusina lilimba. Mañi ni mañi hamoho cwale, litho zaluna inge liinami cwalo.

Na Mu lata, Na Mu lata  
Kakuli U ni latile  
Ni kulela puluso yaka  
Fa Kalvari.

<sup>256</sup> Ni sepa kuli ba timile matepu cwale. Mwabona, tepu ye iya  
kai ni kai kaufela . . .



*SHALOMU* LOZ64-0119

(Shalom)

Liñusa le ka Muzwale William Marrion Branham ne li kotalizwe lwa pili mwa Sikuwa la Sunda musihali, Sope 19, 1964, ili fa Ramada Inn mwa Phoenix, Arizona, U.S.A., liingilwe kuzwa fa tepu ya magesi ya manzwi kusina ku zusa sika mwatani ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

**VOICE OF GOD RECORDINGS**

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)